

Sri Aji Palaka Naur Sesangi

Prèmbon

©Mark Hobart March 2008

1 PANASAR: Aṅĕlĕpuṅ pinireṅ wadana,
2 Susuluh kaṅ mĕdal eṅjiṅ,
3 Sumalimuṅ salin Pura,
4 Lamun durus akaron sih.
5 (A)Walatuṅ amarapit,
6 Kutaṅ tiṅgal jīwan iṅsun.
7 Toya berjinauhan,
8 Pasar aguṅ riṅ Batawi,
9 Caṅguṅ-caṅguṅ,
10 Katĕmun sapaleredan.

12 PANASAR: Bĕh! Déwa Ratu Agung! Atur **pangakṣaman** titiang mantuké ring para
13 semeton sané sampun lédang ngarauhin. Dumadakja maka sami
14 mangguhang karahajengan. Iraga maka Umat Hindu satata ngastiti
15 mangdénĕja maka sami rauhing keluarga ngamangguhang karahajengan.
16 Napité anggĕn jalaran ritatkala karya? Ngiring sareng-sareng ngaturang
17 pangubakti nunas pasuwĕcan ring Ida Sang Hyang Parama Wisĕsa.
18 **Sabinaniṅ** punika iraga hidup di jagaté ngemban sané mawasta seni
19 budaya. Aduh, Aratu! Banget pinunas titiang ring semeton sareng sami,
20 ngiringja pelihara ngulatiang pisan ritatkala wĕnten sasolahan unĕn-
21 unĕnké, prasida maka sami ngiring mangdaja kasenian druwĕné tetep
22 hidup. Napi anggĕn pokok? Napi anggĕn jalaran mangda sakadi
23 asapuniki? Sampun lédang kĕnten, nah, ngawĕntenang tatontonan. Naler
24 Ida Dané arsa nonton niki sampun mawasta becik, **riantukan** yĕn ten
25 iraga jagi ngajiang melihara kesenianné sira malih jagi aturin?
26 Mawinan kadi mangkin rauh tamu-tamu, rauh toris-toris, sakĕng **dura**
27 **nagara**. Napi gumanti rereha? Boyaké **saṅkanij** kasenian Ida Dané,
28 ketrampilan Ida Dané, wicaksana wikan makarya **sahananiṅ barang seni**.
29 Awinan raris rauh toris-torisé - niki napi sampun rauh sareng kalih.
30 Welcome. Good afternoon, thank you. I hope you glad see here. Nawang
31 duang katih kangguwang masih apang ada panyambat sara. Men, jani
32 anaké uli di luar negeri demen mabalih, iraga lantes acuh tidak acuh,
33 apang ten asapunika. Yĕn nyak sampun sapuniki bĕh bangga lega manah
34 titiang matur ring para semeton, boya asapunika. Dumadakja **kawĕkas**
35 mangda sida kapelihara ngancan mangda ngamecikan.

36
37 (*Sings*)

38
39 Prĕt sinunggĕk, walang kĕkĕk angeteplĕk,
40 Teka ia I Kadĕk negakin sapĕda simplĕk,
41 Terus ngamaling bĕbĕk, laut ia maklĕtĕk slekĕk-slekĕk.

- 42
43 Lèn jagaté di Nusa sapamadegan Ida Batara Ida Déwagung, sugra tabé
44 pakulun sané mabisèka Sri Aji Palaka. Bèh, suba terkenal gumi Nusané,
45 apa ané terkenalsawirèh guminé kering, sakéwala ané jani sapamadegan
46 Ida teka lèn masalin guminé. Yèning pidan sing sida baan mamula
47 punyan-punyan kayu; jani suba madan nyak gadang gumin Nusané.
48 Disamping ento kemajuan anak-anak suba pada samangat nuntut ilmu,
49 mawanan prasida sekolah-sekolah di Nusa suba pada sambrag di désa-
50 désa. Mawinan jani makejang suba pada duweg, ento ngaranayang I
51 Dèwèk rasa bangga lega idepé mamarekan di tanah Nusané. ‘Tut! ‘Tut!
52 ‘Tut! ‘Tut! Wijil! Rain beli!
53 WIJIL: Men, men, men! Iclang rain beli, icang! Men, men. Kènkèn?
54 PANASAR: Iwasin!
55
56 (*WIJIL enters*)
57
58 WIJIL: Apa ané nyandang lakar sedekang apa?
59 PANASAR: Kawibawan puriné di tanah Nusa.
60 WIJIL: Lèn-lèn rasané, beli, **sahananiṅ** apa adané dini, ané ada di Nusa. Mara
61 ada beli ngayah mai, suwéca Ida Sang Hyang Widi Wasa.
62 PANASAR: Aa.
63 WIJIL: Seger beli ngayah mai?
64 PANASAR: Aa.
65 WIJIL: Sakéwala sakala niskala.
66 PANASAR: Ngudiang sakala... (niskala)?
67 WIJIL: Listriké padem!
68 PANASAR: Bèh!
69 WIJIL: Ené ciri sakala niskala.
70 PANASAR: Tawang cai maksudné?
71 WIJIL: Men, men?
72 PANASAR: Anak enu dalam rangka Hari Raya Nyepi.
73 WIJIL: Aa.
74 PANASAR: Amati geni, kèto anaké!
75 WIJIL: Aa.
76 PANASAR: Jani matianga listriké. Dugas Nyepié hidup, kèto!
77 WIJIL: Mara mati listriké. Sesuwunan Beli icang, Ida Déwagung, apa adané,
78 panyenengé dini, suba paling. ‘Dija, men, nyilih strongkèng?’ Yèn sing
79 nyilih strongkèng, sing nyidang masolah solah-solahané. Sasolahan alit-
80 alit, bèh! Déwa Ratu! Mara, mara makebiah cang mai suba ojoga tekèn
81 kopiné.
82 PANASAR: Apa?
83 WIJIL: Mara makebiah, prèmboné mai, kopiné masuk sik panabuhé. Ené suba,
84 artiné suba anut ento. Tingalin Beli, lèn.
85 PANASAR: Apa?
86 WIJIL: Ané selem.
87 PANASAR: Ais!
88 WIJIL: Kèwala bisa ngorang; dogèn jabané panabuh lengkap.
89 PANASAR: Ngopi malu ‘Gus. Nai eda ngimud, geres-geres, jeg kètuwangé!

- 90 WIJIL: Biasa diarep anak luh lek. Suba dogèn nyak joh dadua masuk. Ené eda
 91 ento runguanga jani sih pamekas pidabdab sasuwunan beli icang
 92 Déwagung Sri Aji Palaka ané malu. Aduh beli, biin Ida nangis biin Ida
 93 marika mariki kabèré-bèré.
- 94 PANASAR: Baan kèweh pikayunan Idané, ‘Tut.
 95 WIJIL: Aduh! Déwa Ratu! Men! Men!
 96 PANASAR: Beli cai lantasing ngiring kemu mai nunas ica.
 97 WIJIL: Aduh! Kènkèn kadèn sungkan kayun Ida. Yèn warsang kudang warsa
 98 kadèn, **kasuksèkèl sajroniṅ ring aṅga śarīran** Ida?
 99 PANASAR: ‘Tut!
 100 WIJIL: Men! Men! Men!
 101 PANASAR: Sing nyala(h)ang anak maraga Prabu **Nyakra Werdi**. Sing lantes
 102 maduwé perti santana?
 103 WIJIL: Lantes ngambil aturan I Bandésa Nusa, Jero Mekel Wardani, kadèn suba.
 104 PANASAR: Aa.
 105 WIJIL: Duang dasa tiban sing maduwé peruta.
 106 PANASAR: Kènkèn? kènkèn? Peruta kènkèn?
 107 WIJIL: Perut, apa oranga mara?
 108 PANASAR: Maduwé putra.
 109 WIJIL: Aa. Enu cenik. Bèh! Déwa Ratu, kènkèn ia **riwèkas** guminé di Nusa, yèn
 110 sing ada anak cenik nganyelediyin nyènja lakar narima kaagungan gelah?
 111 Déwa Ratu!
 112 PANASAR: Kangen beli cai ring panyungkan kayun Ida Batara Déwagung.
 113 WIJIL: Telah purané di Nusa. Telah palinggihé di Nusa rastitiang Ida.
 114 PANASAR: Sakancan ané madan tenget.
 115 WIJIL: Aduh! Anak mula sing dadi kelidin suka duka lara patiné anak mula
 116 hidup manusa. Jalanja masih gébrasang apang nyak ingkupa tekèn
 117 penariné apang eda kenyel panabuhé.
 118 PANASAR: Nah.
 119 WIJIL: Jalan gébrasang!
 120 PANASAR: ‘Tut! Gébrasang!
 121 WIJIL: Nah!
 122 PANASAR: ‘Tut, ‘Tut!
 123 WIJIL: Uwuh? Wuh? Wuh?
 124 PANASAR: Wah!
 125 WIJIL: Nah!
 126 PANASAR: Ajedoh.
 127 WIJIL: Kènkèn ento?
 128 PANASAR: Ajedoh.
 129 WIJIL: Sing ada, sing.
 130 PANASAR: Apa sing ada?
 131 WIJIL: Jaja ulija?
 132 PANASAR: Jaja uli kènkèn?
 133 WIJIL: Sing ada jaja godoh dini. Dija ngalih? Di Nusa dija ngalih godoh?
 134 Kangguwang jaja uli?
 135 PANASAR: Jalema belogan tekèn sekolah TK. Ajedoh! Eda cai joh.
 136 WIJIL: Uh! Kènkèn jawabané ento?
 137 PANASAR: Duran doh.

- 138 WIJIL: Bèh! Tunian ngorain kèto sing aluh. Duran doh. Masemetonan mai,
 139 ngajak sasuwunané nunas ica dini di Duur Bingin, sing kèto?
 140 PANASAR: Tut!
 141 WIJIL: Uwuh! Duran doh.
 142 PANASAR: Yéé! Kènkèn ené?
 143 WIJIL: Bah! Suba 'duran doh' buin pelih. Damaré mati kanti ento.
 144 PANASAR: Sajan ngalih nyama.
 145 WIJIL: Kènkèn ento?
 146 PANASAR: Jalema padingehang!
 147 WIJIL: Suba dingeh cang.
 148 PANASAR: Sebelum ada pertanyaan dilarang menjawab.
 149 WIJIL: Uh! Nah jani. Nah!
 150 PANASAR: Kalau menjawab...
 151 WIJIL: Men? Men? Men?
 152 PANASAR: Nilai dikurangi seratus.
 153 WIJIL: Bèh! Cara cerdas cermat.
 154 PANASAR: 'Tut!
 155 WIJIL: Uwuh!
 156 PANASAR: Ajedoh.
 157 WIJIL: Duran doh, duran doh, doh duran.
 158 PANASAR: Dabdabang.
 159 WIJIL: Ah!
 160 PANASAR: Dabdabang.
 161 WIJIL: Apa?
 162 PANASAR: Dabdabang.
 163 WIJIL: Uh! **Masa dèwèk**. Bengong cang tekèn wikan panabuhé. Ento mara
 164 amoné dogèn suba, marèrèn, amatja kenyel limané jabané. Apang sing
 165 nyalahang. Mara tekedé dini. Ratu Cokorda, nunas sugra, akuda parekan
 166 légongé? Abedik tuwah akutus. Bèh! Déwa Ratu! Uling jam siaé
 167 mabebed inih sakit awaké. Ené, Nah! Nguda kèto! Demen atiné, tawang
 168 Beli ené?
 169 PANASAR: Sing.
 170 WIJIL: Mara amoné suba marèrèn panabuhé.
 171 PANASAR: Uh! kèto, dadi kèto?
 172 WIJIL: Ené suba **pinaka** Ida Dané para panabuh suba wikan tekèn koda.
 173 PANASAR: Uh!
 174 WIJIL: Mara amoné suba marèrèn?
 175 PANASAR: Marèrèn?
 176 WIJIL: Ené suba nunggalang, apa adané **Rwa Bhinnéda, purusa pradana**.
 177 PANASAR: Uh! Mawanan marèrèné sawirèh suba ngaresep?
 178 WIJIL: Ah!
 179 PANASAR: Ené maka bukti Persatuan dan Kesatuan.
 180 WIJIL: Patut.
 181 PANASAR: Mawinan buka jani...
 182 WIJIL: Ento suba.
 183 PANASAR: **Swadharmanij** agama lan **Swadharmanij** nagara.
 184 WIJIL: Nyènja pidabdab Ida Déwagung, Sri Aji Palaka, di tanah Nusa agamané
 185 kènkèn.

- 186 PANASAR: Ento anak patut kapalajahin kalimbakang di masyarakat.
- 187 WIJIL: Dasar iraga maagama abesik ada tattwa, disubané ada tattwa sing masih
- 188 ia mapikenoh. Ada lantes tata susila laksanang nyen tattwané totoa.
- 189 PANASAR: Kondèn masih genep.
- 190 WIJIL: Tondèn masih adung, apang nyak ada seni, ada ané madan buin abesik
- 191 ané madan 'upacara'.
- 192 PANASAR: Nah!
- 193 WIJIL: Apa ento artiné 'upa'?
- 194 PANASAR: Apa artiné?
- 195 WIJIL: 'Upa' ané madan iraga maekin bayu, 'cara' ané madan jalan 'bina paksa
- 196 bina paksi'. Jalané malèngang, tetujon iraga ngarastitiang Ida Sang Hyang
- 197 Widi.
- 198 PANASAR: Uh!
- 199 WIJIL: Mawinan ada yadnya. Ené suba agamané di Nusa. Bengongan icang beli
- 200 tekèn apa adané, pikamkam, Ida Déwagung. Yadnya wit **sanjaniṅ Tri**
- 201 **Rēṇa**.
- 202 PANASAR: Utangé ané tatelu ento.
- 203 WIJIL: Tatelu ento. Rena wit **sanjaniṅ asung**, mawinan sing dadi lepas, anak
- 204 suba **Tri Hita Karṇa**.
- 205 PANASAR: Ané tatelu ento patut adung.
- 206 WIJIL: Patut adung.
- 207 PANASAR: Apa luwiré?
- 208 WIJIL: **Tri Parhyaṅan**: puraé rastitiang apang melah.
- 209 PANASAR: Sawirèh iraga nunas pasuwècan Ida Sang Hyang Embang.
- 210 WIJIL: Eda sebet maturan asebit. Sari amongkèn kadèn suba bakat tunas?
- 211 PANASAR: Mawanan paling maluna baktiné ring Ida Sang Hyang Embang, patut
- 212 ento ingetang.
- 213 WIJIL: Nah! **Parhyaṅan** abesik. **Palēmahan** ené jagat **rayané** tongos umah
- 214 iraga hidup.
- 215 PANASAR: Paumahan iraga apang nyak ia masih adung.
- 216 WIJIL: Buin abesik lantes. Ada **Paṅwoṅan**, I Manusa, ia ngelahang apang dadi
- 217 ia **Tat twam asi** beli icang apang... Aduh! Aduh!
- 218 PANASAR: Kènkèn ené?
- 219 WIJIL: Apang eda kasèp, asané yèn amoné buat, apa adané, pidabdab Ida
- 220 Déwagung, sasuwunan beli cang.
- 221 PANASAR: Aa.
- 222 WIJIL: Lakar ngètangang buat yadnya agamané. Matur. Matur. Jalan pendak Ida.
- 223 PANASAR: Aingih Aratu! Aratu Déwagung, sasuwunan titiang, Palungguh Cokor I
- 224 Déwa. Maka **mūrdhaniṅrat** ring jagat Nusané, boya sapunika?
- 225 WIJIL: Patut. Mangda wènten iring titiang tunasang titiang babaosan. Durus.
- 226 SRI AJI PALAKA: Eda surud mayadnya punia.
- 227 PANASAR: **Satyam éwam jayaté**.
- 228
- 229 *(Sri Aji Palaka sings to begin with from behind the curtain)*
- 230
- 231 WIJIL: Mamitang lugra titiang parekan tambet. Hidup di Nusa anak mulana
- 232 katos.
- 233 PANASAR: Aa! Tunasang.

- 234 WIJIL: Baos, **angan** Palungguh I Ratu **mürdhanig** jagat wayah. 'Paman,
235 yadiastun suba peteng buka jani, galah makita masih mabligbagan
236 agama, mapan hidup **sanjkanig** agama.'
- 237 PANASAR: Sawirèh hidupé mula akelèpan tatit.
- 238 WIJIL: Mula.
- 239 PANASAR: Apang sing nyen pracuma, malajah apang melah. Sing kèto tunasang?
- 240 WIJIL: Aa. Sangkané, Palungguh Cokor I Déwa, titiang manusa ten dados surud
241 mayadnya madana punia?
- 242 PANASAR: Madana punia.
- 243 WIJIL: Apa, men, suksemané punika? Kija suksemané?
- 244 PANASAR: Ring sira patutné?
- 245 WIJIL: Patut! Patut!
- 246 PANASAR: Asapunika pinunas parekan druwéné, Déwagung.
- 247 SRI AJI PALAKA: Ngastawa Ida Sang Hyang Widi.
- 248 WIJIL: 'Paman! Paman! Paman!'
- 249 PANASAR: Kènkèn? Kènkèn?
- 250 WIJIL: 'Apa eda nyen paman salah ulat. Apang eda nyen paman ningeh ané
251 tuara. Ené-ené yadnyané ané baosang acé. Apang eda nyen paman
252 suwud, sing nyen ada lèn, patuh cara raosé tunian, ring Ida Sang Hyang
253 Parama Kawi.'
- 254 PANASAR: Pamucuk baktiné ring Ida Sang Hyang Parama Kawi. Tiyos ring punika,
255 ring sira patuté malih?
- 256 WIJIL: Patut.
- 257 PANASAR: Madana mayadnya punia? Indayang baosang.
- 258 WIJIL: Mangda sampunang empak luwirèh. Durus. Durus.
- 259 SRI AJI PALAKA: Kala Buta Pitra puja.
- 260 WIJIL: Men! Men! Men!
- 261 PANASAR: Mara beli nunasang. Aratu Déwagung, tios ring Sang Hyang Widi, ring
262 sira malih yadnyané?
- 263 WIJIL: Nyèn ento?
- 264 PANASAR: 'Paman. Buta Kala. Manusa patut masih gaèng yadnya.'
- 265 WIJIL: Kadèn mara ené dugasé Buda Kliwon Paang?
- 266 PANASAR: Aa.
- 267 WIJIL: Ada **Pañca Wali Krama**. Ento **pinaka** tingkatan kala ento.
- 268 PANASAR: Bacakan yadnya.
- 269 WIJIL: Yadnya kala.
- 270 PANASAR: Ané katur tekèn?
- 271 WIJIL: Satondèn madéwa yadnya. Déwayadnya **Batara Turun Kabèh** nyanggra
272 **kawèrdian** jagat. Patut. Patut.
- 273 PANASAR: Ainggih.
- 274 SRI AJI PALAKA: 'Pang 'da ia miruda gumi.
- 275 WIJIL: Aduh! Déwa Ratu.
- 276 PANASAR: Tawang ci?
- 277 WIJIL: Men?
- 278 PANASAR: Apa mawanan anaké ngaturang yadnya?
- 279 WIJIL: Aa.
- 280 PANASAR: Tekèn Sang Buta Kala.
- 281 WIJIL: Pamekas yadnya. Men!

- 282 PANASAR: Apang singja, buta kalané, apang sing ia I Buta Kala ngrabéda. Apang
 283 sing ngusak-asik.
- 284 WIJIL: Uh! Apang nyak ia ngalih tongos.
- 285 PANASAR: Apang nyak ia enteg jagaté.
- 286 WIJIL: Mawinan baang ia lelaban.
- 287 PANASAR: Beneh.
- 288 WIJIL: 'Laba' ané madan babayaan. Kala ané madan kekuatan. Bayah kekuatané
 289 ané anggo di awaké **Pañcamahābhūta**.
- 290 PANASAR: Niki wiakti, ten simpang.
- 291 SRI AJI PALAKA: Sakalané kala **añerti**. Sakala niskala sujati.
- 292 WIJIL: Inggih! Madaging. 'Paman. Paman. Yèn paman mayadnya niskala, yèn
 293 sing sakalané malu, sing nyidang nyen mayadnya.'
- 294 PANASAR: Aa.
- 295 WIJIL: Yadnya niskala, 'dana punia' ené anggo malu. Kèrtiané anggo malu.
- 296 SRI AJI PALAKA: Jagaté mangda rahayu.
- 297 WIJIL: Déwa Ratu! Déwa Ratu! Men, Men!
- 298 PANASAR: Mawanan makèrti sakala niskala, mula **dharmaniṅ Saṅ Aṅawa Rat**.
- 299 WIJIL: Mula.
- 300 PANASAR: Patut ngarastitiang, apangja guminé nemu ané madan rahayu.
- 301 WIJIL: Ené mula alih.
- 302 PANASAR: Yèn cara jani, kènkènja Sang Pemimpin ngutsahayang apang nyidayang
 303 masyarakaté adil kalawan makmur.
- 304 WIJIL: Manut swadarmané. Madaging, madaging.
- 305 SRI AJI PALAKA: **Para bāhudanda, tanda mantri, pungawa**.
- 306 WIJIL: Yah! 'Paman. Paman. Yèn lakar mayadnya, apa buin diguminé gedé
 307 pamekas di Bali, sing nyen dadi raosang dogèn; patut laksanang baan ané
 308 madan kèrti. Laksanang baan ané madan manusa pada.'
- 309 PANASAR: Mawanan patut sasahang...
- 310 WIJIL: Aa.
- 311 PANASAR: Tekèn **Sang Tanda Mantri. Rakryana Patih**.
- 312 WIJIL: Beneh.
- 313 PANASAR: Apang pada jani niwakang gaéné ento.
- 314 WIJIL: Dingelah gaéné apang ngelah iraga **śikṣa**. Apang ngelah iraga sakti désa
 315 kala patra.
- 316 PANASAR: Patra.
- 317 SRI AJI PALAKA: **Saṅ Putus** sareng miletin.
- 318 WIJIL: Patut. Patut.
- 319 PANASAR: (*Sings*) **Sang suta** sida nyarengin.
- 320 SRI AJI PALAKA: (*Inaudible*)
- 321 WIJIL: Men.
- 322 PANASAR: Kènkèn ento?
- 323 WIJIL: Paman. Yèn mayadnya, telu ané madan kabaos **Tri Mangalaniṅ Yajña**.
- 324 PANASAR: Uh! **Tri Mangalaning Yajña**. Abesik:
- 325 WIJIL: Ada anak ngaé gaé yadnya mapidabdab, **Sang Yajamāna**.
- 326 PANASAR: Dadua?
- 327 WIJIL: Ada maan nyanggra, tukang banten, masyarakat secara sosial.
- 328 PANASAR: Aa, tatelu?

- 329 WIJIL: Ada **daṅ**, ané madan **brāhmaṇācārya**, ané suba **ṅĕlaraṅ phalāśraya**,
 330 ané muput yadnya.
- 331 PANASAR: Apang buka tatelu ada. Kasal anak nangun karya **Tri Maṅgalaniṅ Yajña**,
 332 apang ada.
- 333 WIJIL: Mawinan Agama Hindu ajaran berjenjang, api ada padanda, api ada
 334 tukang banten, anak ngelah gaé sing ada, sing masih pangus.
- 335 PANASAR: Nyènja ajaka maitungan? Sing kèto?
 336 WIJIL: Aduh! Ento mawinan matur.
- 337 SRI AJI PALAKA: Eda carat-curut.
 338 WIJIL: Eda nyen paling.
- 339 PANASAR: Apang sing pati kaplug paling.
 340 WIJIL: Apang eda petengé kadèn jelèk. Mawinan ngaé Nyepi, nyepiang raga
 341 **aṅga śarīra** suciang.
- 342 PANASAR: Aa.
 343 WIJIL: Dini suba iraga **mulat śarīra**.
 344 PANASAR: Patut! Patut!
- 345 SRI AJI PALAKA: Suba ruwang dadi pajalan.
 346 WIJIL: Bangun, mawinan ada...
 347 PANASAR: (magending) Suba ruwang dadi pajalan.
 348 WIJIL: Sangkal swadarmané ento melahang, eda ngarang tegak timpal apang
 349 nyamané eda magonggang. Aduh! Beli, matur, matur.
- 350 PANASAR: (magending) **Singih Ratu Saṅ Rumageṅ Pañji mulat semara**.
 351 (Marèrèn magending) Aduh! Aratu, Aratu Déwagung, sesuwunan titiang,
 352 Cokor I Déwa. Duaning ènjing semeng sakadi mangkin? Menawi wènten
 353 jagi buat pawacana katiba ring parekan druwéné. Durus. Durus.
 354 Mawacana Ratu Déwagung.
 355 WIJIL: Durus-durus nibakang pawacana.
- 356 SRI AJI PALAKA: **Tan luput rwa bhineda**.
 357 WIJIL: Uh! Paman. Paman.
 358 PANASAR: (Sings) **Tan hana woṅ swastha nulus**.
 359 WIJIL: Saja, cara slokantarané.
 360 PANASAR: Kènkèn?
 361 WIJIL: 'Singja lepas ané madan rua binédaé'. Nyen paman.
 362 PANASAR: Anak mula akèto hidupé mabekel rua binéda. Sing ada anak melah nulus
 363 di jagaté.
- 364 WIJIL: Aduh! Madaging. Madaging.
 365 SRI AJI PALAKA: Larané suba rasa masilih.
 366 WIJIL: Cara gagendingan. 'Pala karmané buin pidan, larané telah suka nampi
 367 buin pidan, sukané telah lara nampi.'
 368 PANASAR: Selagenti suba teka. 'Tut!
 369 WIJIL: Singja dadi alih melahé, singja dadi kelidin jelèké. Anak mula
 370 **karmawāsanān** beli, **karmawāsanān** icangé.
- 371 PANASAR: Kadi lantes pamargan Ida Batara Déwagung.
 372 WIJIL: Saja, saja.
 373 PANASAR: Mawanan kabaos masilih, paman, lacur gelahé pidan.
 374 WIJIL: Patut. Patut.
 375 SRI AJI PALAKA: Sadia dini, paman.

- 376 PANASAR: Patut, larané sané sampun kamarginin, mangkin rasa masalin dados
 377 **gargita** kawèntenan **anggan** Cokor I Déwané, Ratu Déwagung.
 378 SRI AJI PALAKA: Nyuwun suwècan Hyang Widi.
 379 WIJIL: Paman. Medal wacanan Ida. Sing nyen ada lèn ané ngaranayang gargita
 380 **rituwasinira** gelah, mula pasuwècan asung warānugraha Ida Sang
 381 Hyang Widi Wasa, sasuwunan ané niskala.
 382 SRI AJI PALAKA: Wènten **pinaka** panyeledihi **riwēkas**, **riwēkas hana panerus**.
 383 PANASAR: Paman! **sanjkanin** suwècan Ida Batara, Sasuwunan di Guwa Lawah...
 384 WIJIL: Aa. Di Guwa Lawah di Bali.
 385 PANASAR: Ditu gelah **nèwa sraya** baan kèwehé sing gigisan. Kudang tiban suba
 386 marabi sing ngelah putra?
 387 WIJIL: Telah puraé di Nusa; telah dokteré.
 388 PANASAR: Beneh.
 389 WIJIL: Bakat takonang, pura jalan mula bakat engsapang. Eda endèn kèto,
 390 mawinan kawité koné kuwang.
 391 SRI AJI PALAKA: Sangkan mangkin madabdab panaurané ring Hyang Widi.
 392 PANASAR: Paman! Sawirèh amonto nyen pinunas gelahé, kemu mai. Akudang
 393 sesaudan, akudang sesangi kadèn suba aturang gelah? Jani sida lantes
 394 gelah ngelah pianak putra kadi **anggan** Ida.
 395 WIJIL: Abesik, putra metu.
 396 PANASAR: Aa.
 397 WIJIL: Dadua, buka jani laut, apa adané, sesangi ané malu.
 398 PANASAR: Aa.
 399 WIJIL: Lèn beli ajak cang anak aluh sekalané, niskalané sing dadi ajak.
 400 PANASAR: Yèn cara dilemah iraga mutang patut mayah utang.
 401 WIJIL: Patut bayah apang iraga rena.
 402 SRI AJI PALAKA: Mangda nerus kawiletin antuk Hyang...
 403 PANASAR: Ainggih! Aratu. Punika patut pisan kalaksanayang kadi sesangin **anggan**
 404 Cokor I Déwa, duaning sampun paresida kadi mangkin madrebé putra
 405 lanang, raris.
 406 WIJIL: Aduh! Kènkèn? Putra lanang?
 407 PANASAR: Aa, kènkèn?
 408 WIJIL: Ené, suba ané tunas Ida uli malu. Jani, sing kèto? Dadi sing pragat gaéné
 409 ulian anak muani, anak mula isin gumi ento.
 410 SRI AJI PALAKA: Sangkan jani becik rembugang...
 411 PANASAR: Paman, ané jani jalanja **akşamayan** ring pura dijaja,
 412 WIJIL: Patut.
 413 SRI AJI PALAKA: Karanané kadi I Adi dini.
 414 WIJIL: Ento saja, men.
 415 PANASAR: Singja ada lèn I Adi ia, I Luh Wedani.
 416 WIJIL: Jero Mekel beliné?
 417 PANASAR: Beneh.
 418 WIJIL: Bèh.
 419 SRI AJI PALAKA: Kagiat ngawang-ngawang.
 420 PANASAR: Miribang.
 421 LUH WEDANI: Beli beli, beli beli beli, beli beli beli, beli beli beliii.
 422 WIJIL: Badah.
 423 PANASAR: Apa ento?

- 424 WIJIL: Ené tengah lemeng ada anak uli Tengahpadang madagang.
 425 SRI AJI PALAKA: Suaran apa ngawang-ngawang piragi?
 426 PANASAR: Apa ia kadèn dagang? Apa mirib teka ené jeg makalukan? 'Oli oli, oli
 427 oli' kètoa. Tawanga olié maal, dagang oli teka.
 428 LUH WEDANI: Weli weli weli weli, iang iang dini, iang dini weli.
 429 WIJIL: Suba dingeh. 'Beli beli beli beli tiang dini iang dini.' Aduh! Déwa Ratu!
 430 Bèh! Bes ngencot.
 431 PANASAR: Sira minab niki?
 432 SRI AJI PALAKA: Eni I Punta ngelah kakantènané.
 433 WIJIL: Beli ngelah kakantènané ené?
 434 PANASAR: Nyèn timpal beliné teka ené?
 435 WIJIL: Beli ngelah?
 436 PANASAR: Nah! Pasti nyama uli Kèndran teka ené.
 437 WIJIL: Nah, nyèn?
 438 PANASAR: Nyamaé uli Kèndran mirib.
 439 WIJIL: Aa! Nyama tunangan.
 440 PANASAR: Aih.
 441 LUH WEDANI: Loli loli loli loli lululu lila li...deng.
 442 WIJIL: Ené, tawang beli ento?
 443 PANASAR: Sing.
 444 WIJIL: 'Lila lila lila lideng.' Yèn anak lila kènkèn? Kadèn anak suba engsap
 445 sakit.
 446 PANASAR: Aa?
 447 WIJIL: Yèn anak linglung kadèn suba lali. Lila buin abesik. Suba sing bisa
 448 ngorang. Kasal suba lebian lilaé ajak linglungé, sinah ngidem jeg mati.
 449 Ené suba gending sesenggakané; eda kadèna sing ada makna.
 450 PANASAR: Uh! Dagang teka ené kèto?
 451 WIJIL: Ah.
 452 PANASAR: Dagang apa ené?
 453 WIJIL: Nyèn nawang kadèn.
 454 SRI AJI PALAKA: Mirib paman nganggeh udeng.
 455 WIJIL: Badah!
 456 PANASAR: Nyak masih.
 457 WIJIL: Kènkèn?
 458 PANASAR: 'Lila lila lila lideng'. Nyèn teka mai nganggeh udeng kèto mirib?
 459 WIJIL: Bèh.
 460 LUH WEDANI: Beli beli beli beli, iang iang dini beli mai malu beli.
 461 SRI AJI PALAKA: Aduh! Mas mirah beliné, I Ayu.
 462 WIJIL: Gelar gelur, tan bina...
 463 PANASAR: 'Adi! Adi! Mas mirah beli, I Ari puniki'. Kadènja nyèn teka gelur-gelur?
 464 LUH WEDANI: Beli! Beli! Maija malu ajaka pules.
 465 WIJIL: Wih! Badah!
 466 PANASAR: Apa ento?
 467 WIJIL: Dong 'beli beli mai malu ajaka ules'. Dong basa apa kadèn? Basa lelipi?
 468 PANASAR: Amonto makeloné di jero enu kèto basaé masih.
 469 WIJIL: 'Sirep', kènten anaké!
 470 SRI AJI PALAKA: Gelis adi ka bencingah.

- 471 WIJIL: Uh! 'Adi mas juwitan beli, anaké buka adi.' Jalanja digelis kabencingah
 472 adi.
 473 LUH WEDANI: Énggal-ènggal anaké mai beli. Énggal-ènggal anaké mai! Kaus, Kaus,
 474 Kaus!
 475 WIJIL: 'Énggal-ènggal. Kaus, Kaus, Kaus.'
 476 SRI AJI PALAKA: Caraka maka kalih. Nah! Kemu paman ngayahang.
 477
 478 (*Sri Aji Palaka exits*)
 479
 480 WIJIL: Kènkèn beli? Kangguwang kéné?
 481 PANASAR: (magending) Titiang ngiring **pawacana**, durus Ratu **mawuju**.
 482 WIJIL: Mangkin dumun, lakar ngompo damar trongking niki! Apang ten
 483 makalukan tuwuk bakat tukang damar trongkingé. Ento dadua gaéné
 484 mawinan ngiring Jero Mekel, nah!
 485 PANASAR: Apang nyak selah parerainé di medalé, sing kèto?
 486 WIJIL: Beneh.
 487 PANASAR: Apang sing gulem. Yèn sing kèto, apa sing tepuk, asah cunghé ajak
 488 gidaté.
 489 WIJIL: Mawinan suba enduk. Biasané ané kéné anak tangar ngompo trongking,
 490 'di nyriepné' anggona sasenggakan.
 491 PANASAR: Ené mapan anak istri paling jegèg medal, yèn sing galangang sing kena
 492 bena pañjak-pañjaké uning kènkèn ia jegèg Gustié, kèto.
 493 WIJIL: Aa! Yèn cang kètuwanga cara alah batu kèto. Aduh! Beli.
 494 PANASAR: 'Tut, 'Tut,
 495 WIJIL: Uwuh.
 496 PANASAR: Yèn dadi cang, anu, beli, makaad malu. Nah.
 497 WIJIL: Beli lakar mapamit?
 498 PANASAR: Aa.
 499 WIJIL: Jani beli lakar nagih mapamit?
 500 PANASAR: Aa.
 501 PANASAR: Tunian edaja laadné nunas, apang eda maan ngiring. Mèh! Banata.
 502 PANASAR: Sing, anak sing asi ngiring Ida.
 503 WIJIL: Beli sing asi, cang masih sing asi. Awak patuh parekan mamarekanja
 504 bareng.
 505 PANASAR: Bèh.
 506 WIJIL: Jelèk bareng jelèk, melah bareng.
 507 LUH WEDANI: Punta! Wih.
 508 WIJIL: Uwuh?
 509 LUH WEDANI: 'Uwuh!'
 510 PANASAR: Jeg ngawagjaé cai mamunyi.
 511 LUH WEDANI: 'Jil, wé!
 512 WIJIL: Titiang.
 513 LUH WEDANI: Jeg cang dogèn suba urusang. Nah!
 514 WIJIL: Tiang?
 515 LUH WEDANI: Jeg cang dogèn suba ortang, nah! Jeg cang dogèn suba satuang, nah! Jeg
 516 cang dogèn suba uyak, nah! Jeg cang dogèn suba (u)luh, nah! Jeg cang
 517 dogèn suba amah, nah!
 518 PANASAR: Terus-terus.

- 519 LUH WEDANI: Apa uling semengan cang satuanga, tengainé cang satuanga, sanjaé terus
520 jeg cang dogèn suba satuang, nah.
521 WIJIL: Nah. Jani suba tagih. Jani ento, anu, upahé jani.
522 LUH WEDANI: Yèn suba cai maan nyatuang cang sing cai èklèk-èklèk nyen.
523 PANASAR: Aé.
524 WIJIL: Apa oranga beli?
525 PANASAR: Yèn cai suba nyatuang cang sing cai èklèk-èklèk kèto.
526 WIJIL: 'Éklèk', apa basa 'èklèkè'?'
527 PANASAR: 'Éklèké' totoa manyama ajaka 'oplok'.
528 WIJIL: Dong kadèna kucit cang.
529 PANASAR: Dong bas-basé di jero, né kèto nganika tekèn parekan sing jeg.
530 WIJIL: Kèné suba Jero Mekel pidan orin masuk, selalu hari Minggu.
531 LUH WEDANI: Nah, 'Jil.
532 WIJIL: Titiang.
533 PANASAR: Titiang.
534 LUH WEDANI: Negak. Cang lakar medal.
535 PANASAR: Inggih.
536 WIJIL: Inggih, Bèh! Sing dadi adèng-adèng. Sampun.
537 LUH WEDANI: 'Jil.
538 WIJIL: Titiang.
539 LUH WEDANI: Tolih belin caié!
540 WIJIL: Aduh! Sampun.
541 PANASAR: Punapi? Bèh! Sampun, sampun titiang sedia.
542 WIJIL: Bih! Sampun, sampun.
543 LUH WEDANI: Ento 'not tegakné luwung sajan. Tolih damar sènterné maguyang.
544 PANASAR: Aduh! Adaja anak istri kakèto.
545 WIJIL: Jero Mekel. Mamitang lugra, titiang parekan tambet, boyaja damar sènter
546 punika...
547 PANASAR: Bèh.
548 LUH WEDANI: Apa ento?
549 WIJIL: Wantah panepakan kempluk.
550 PANASAR: Bèh! Panepakan kempluk! Cai milu dogèn, eda anaké iringa kèto.
551 WIJIL: Bareng jeg gedeg basangé, baana.
552 PANASAR: Dimuka umum kèto! Sampunang manganika sapunika. Aèng barang
553 ditengah-tengah cingakina.
554 WIJIL: Karwan parekané macelana, nenembelas macelana.
555 PANASAR: Nai medalé.
556 LUH WEDANI: Punta.
557 PANASAR: Titiang.
558 LUH WEDANI: Cang pesu jania?
559 PANASAR: Kanggoja kenehé.
560 WIJIL: Yah.
561 PANASAR: Sajané suba nyak negak. Buin damar sènter nikanga.
562 LUH WEDANI: (Magending)
563 WIJIL: Bèh! Dong lakar pesu jani, anggoja basa abaedik. Jeg aluh dogèn.
564 PANASAR: Masih sing ada nyèn dini.
565 WIJIL: Yèn suba nyak, yèn kayun manganika anak luwung.
566 PANASAR: Aa.

- 567 LUH WEDANI: (Magending)
 568 PANASAR: Apa intip cai ento?
 569 WIJIL: Kadèn anak lakar kecenik, jeg terus kèto.
 570 PANASAR: Tawang cai ento?
 571 WIJIL: Kènkèn ento?
 572 PANASAR: Kasèt suba usak.
 573 WIJIL: Ah.
 574 PANASAR: Kasèté usak.
 575 WIJIL: Badah.
 576 PANASAR: Sing taèn madèngdèng.
 577 WIJIL: Bènjep lakar tunas tekèn Cokorda, lakar dèngdèng buin mani.
 578 PANASAR: Kasèté usak baturainé suba pesu yèh. Kèto sangkal usak suaraé.
 579 WIJIL: Uh.
 580 LUH WEDANI: (magending) Ditengahné balééé...
 581 PANASAR: Yé! Ngudiang jeg geleh kakèto? Becikang anaké.
 582 LUH WEDANI: Punta!
 583 PANASAR: Titiang.
 584 LUH WEDANI: Cang alih kuluk 'Ta, 'puk.
 585 PANASAR: Aa! Dayanin. Mara medal suba alih kuluk. Kènkèng telung minggu sing masiram. Sangkal joh-joh garanga tekèn cicingé, Aduh!
 586 PANASAR: Dija ia bakatanga igel? Igel kutsal-kutil ikut cèlèng. Misi nengok makeledan. Dong. Jaji ping sringing bas-basé kèto ngèdèngang igel.
 587 PANASAR: Yéé!
 588 WIJIL: Aduh! Suba nengok buin malaib. Yéé! Ento ngudiang kènten?
 589 PANASAR: Karwan sampun medal Jeroné, dados malih...?
 590 WIJIL: Aé.
 591 PANASAR: Aik! A!
 592 LUH WEDANI: Bih misi 'Aik! A!' Suaran napi nika?
 593 PANASAR: Yé! Ento munyin tuké ento, 'not?
 594 LUH WEDANI: Ais!
 595 PANASAR: Cang munyin apa cang nawang. Yèn tuké cenik disisi tongosné: gèdèg-gèdèg gèdèg-gèdèg, ngongèk.
 596 LUH WEDANI: Uh.
 597 PANASAR: Bèh!
 598 LUH WEDANI: Yèn tuké gedé...
 599 WIJIL: Yèn tuké gedé...
 600 LUH WEDANI: Tuké wayah...
 601 PANASAR: Inggih.
 602 LUH WEDANI: Ditengah goké mamunyi, lèn munyiné.
 603 PANASAR: Punapi?
 604 LUH WEDANI: Bèdèt-bèdèt bèdèt-bèdèt, baang 'pok.
 605 PANASAR: Aduh! Dija ia ada sulur munyin tuké misi 'bèdèt-bèdèt bèdèt-bèdèt, baang 'pok'?'
 606 LUH WEDANI: Punta! Wé! Mara cang nyaledèt adin cainé, nyelé ati ia ento.
 607 PANASAR: Ipun?
 608 LUH WEDANI: Ae.
 609 PANASAR: Ipun gelem-geleman.
 610 LUH WEDANI: Jalema sakit jantung.

- 615 PANASAR: Badah! Bantas nyaledèt amonto cai suba ngasèksèk.
616 LUH WEDANI: 'Jil! Wé!
617 WIJIL: Titiang.
618 LUH WEDANI: Yèn awaké sakit jantung, amah-amahné benehang.
619 PANASAR: Nah.
620 WIJIL: Napi-napi?
621 LUH WEDANI: Dilarang keras makan makanan mengandung minyak.
622 WIJIL: Uh! Beli! Jani sing dadi makan mengandung minyak!
623 PANASAR: Tunasang.
624 WIJIL: Mangkin dumun, mangda cang sing salah pilih.
625 PANASAR: Beneh.
626 WIJIL: Titiang anak ten uning wantah belogé kalintang. Sané ncèn mengandung
627 minyak, sané sing, dadi tunas titiang?
628 LUH WEDANI: Makanan mengandung minyak, tawang cai?
629 WIJIL: Patut.
630 LUH WEDANI: Umpamané kompor.
631 PANASAR: Lacur pasienné! "Pak Dokter! Makanan napi mengandung minyak?"
632 Bèh! Luwung masih Gustié. "Ané mengandung minyak – kompor!"
633 WIJIL: Saja, kadèna désel? Dong kompor. Kadèn anak daging babi. Yèn nang
634 kèto, apa? Dong kompor? Sampunang nika baosanga.
635 LUH WEDANI: (Magending.)
636 PANASAR: Aduh! Bèh! Kanti ngrosok payasné, sing cingakina. Yéé!
637 LUH WEDANI: Tawang cai igelé ento?
638 PANASAR: Aduh! Ilang kanti payasné, sing uningina.
639 WIJIL: Celekang, Beli. Celekang!
640 PANASAR: Kènkèngang bes aèng igelé? Ulung sing tawanga.
641 LUH WEDANI: Nah! Edaja.
642 PANASAR: Inggih becikang anaké.
643 LUH WEDANI: Nai! Alin-alinang songné, jeg adaja dini. Wé, Wé. Eda anaké.
644 PANASAR: Yéé!
645 LUH WEDANI: Ené Sang Prabu, ené. Sing tawang cai?
646 PANASAR: Ratu tegeh. Kènkèngang men ngejin sekar, men?
647 WIJIL: Éndèpang 'tu, èndèpang.
648 PANASAR: Nunas sugra apang banget. Dija ejang tiang? Dini?
649 LUH WEDANI: Nah! Jeg ditu alih-alih jeg ada, kebit-kebitang, 'not.
650 PANASAR: Kebit-kebitang, napiné kebitang?
651 LUH WEDANI: Nah! Ditu alih-alih. Jeg cai peta dogèn.
652 PANASAR: Ten ada song.
653 LUH WEDANI: Ada ditu, saru ia.
654 PANASAR: Aduh! Kenehé nakonang tongos bungaé, ten ada song. Bèh! Saru ia.
655 LUH WEDANI: Tawang cai igel ané busan ento?
656 PANASAR: Ten. Napi nika?
657 LUH WEDANI: Ané maloncat, ento tawang cai?
658 PANASAR: Uh! Igel-igel linuh.
659 LUH WEDANI: Ya. Itu adalah igel 'break dance'.
660 WIJIL: Uh! Ené laadné madan igel 'berek den'.
661 PANASAR: Singja ada nawang sajabanin Bapaké, ené ajak nawang, ajaka dadua ajak
662 Ibuké.

- 663 WIJIL: Uh! Saja, igel-igel.
 664 PANASAR: Igel 'break dance'.
 665 LUH WEDANI: Ené ento, ento ngorang 'break dance' dogèn, singja 'berek den'.
 666 PANASAR: Napi oranga?
 667 LUH WEDANI: 'Berek dance'.
 668 PANASAR: Badah.
 669 LUH WEDANI: Bungutné kaku kènkèn? Wé! Buin mani mulih aba bunguté. Nah! Apang nyak lemu, klepotangaja.
 670
 671 PANASAR: Pasuhang bunguté buin mani.
 672 WIJIL: Tumbèn cang ningeh bungut maklepotang. Ené suba, anu, solèh-solèh adané.
 673
 674 LUH WEDANI: Saja batak amonto dogèn. Sing kena baana ngorang. Cang lakar ngigel buin.
 675
 676 PANASAR: Inggih! Nah!
 677 LUH WEDANI: 'Nah!' Kènkèn?
 678 PANASAR: Raris.
 679 WIJIL: Nah! Aduh! Bèh! Aduh! Bèh, jeg.
 680 PANASAR: Bèh! Ngudiang cai 'Aduh!-Aduh!'
 681 WIJIL: Aduh!
 682 LUH WEDANI: Sentimèn dogèn polon cainé. Wé! Mara cang ngigel amonto dogèn bah bihang caié. Cai nyak magambel, sajan? Wé! Uling raraman cainé sing taèn rahayu mamarekan. Aduh! Uling kadang kendat cainé suba sing taèn rahayu.
 683
 684
 685
 686 WIJIL: Wé!
 687 LUH WEDANI: Sajané kaadang iban cainé uli dini. Buin mani selaé cang maan. Cang ngalih barang kakèné.
 688
 689 PANASAR: Ento lakar tagih.
 690 LUH WEDANI: Saja né. Dija mirib pitran cainé sing maan tongos?
 691 WIJIL: Wih! Wih!
 692 PANASAR: Aé! Jemak buah.
 693 LUH WEDANI: Kadèn cai cang perlu pesané, kadèn cai?
 694 WIJIL: Ainggih!
 695 PANASAR: Terus! Terus!
 696 WIJIL: Nah! Beli cang masiar.
 697 PANASAR: Aa.
 698 WIJIL: Ainggih! Ring Ida Dané krama désa adat, manawi kirang yadnyané antuk pangrupuké Nyepi, mawinan mangkin ngrebéda ogoh-ogohé mariki.
 699
 700 Sajaé dong ngamigmig.
 701 LUH WEDANI: Punta! Wé!
 702 PANASAR: Titiang.
 703 LUH WEDANI: Cang oranga ogoh-ogoh, 'puk! Gaya dogèn, ia nyadcad dogèn, gaya.
 704 PANASAR: Inggih! Ipun biasa kènten.
 705 LUH WEDANI: Oranga cang ogoh-ogoh. Tegarang baang acepok, mèh, nyak iaa.
 706 PANASAR: Aduh! Maan cai upah ngorang 'ogoh-ogoh'.
 707 WIJIL: Cang baanga acepok, bes. Karwan sesuwunan...
 708 LUH WEDANI: Sajané busan alit-alité kèto masih, 'ta.
 709 PANASAR: Punapi?
 710 LUH WEDANI: Ento mara cang liwat busan.

- 711 PANASAR: Inggih.
- 712 LUH WEDANI: Makesiab masih alit-alité. 'Bih! Suba liwat pangrupukané'. Mara barang
713 kakèné liwat.
- 714 PANASAR: Saja?
- 715 LUH WEDANI: Duka cang.
- 716 PANASAR: Alit-alité purun kènten?
- 717 LUH WEDANI: Ngèk ngok.
- 718 PANASAR: Bèh! Buin munyin tuké: 'ngèk ngok'.
- 719 LUH WEDANI: Duka cang, 'ta.
- 720 PANASAR: Inggih.
- 721 WIJIL: Uh.
- 722 LUH WEDANI: Setengah mati gedeg basang cangé.
- 723 WIJIL: Bih! Mara duka dogèn, suba setengah mati.
- 724 LUH WEDANI: Anak-anak tidak bolèh nakal-nakal.
- 725 WIJIL: Bih! Marah niki?
- 726 LUH WEDANI: Anak-anak harus rajin belajar.
- 727 WIJIL: Uh! Anak-anak harus rajin belajar?
- 728 PANASAR: Harus dinasèhati.
- 729 WIJIL: Uh! Inggih, guru.
- 730 PANASAR: Inggih.
- 731 LUH WEDANI: Jangan membuat orang tersinggung.
- 732 WIJIL: Uh.
- 733 LUH WEDANI: Rajin-rajin membantu bapak bekerja, rajin-rajin membantu ibuk bekerja.
- 734 WIJIL: Uh.
- 735 LUH WEDANI: Kalau bapak dan ibuk bekerja jangan dibantu.
- 736 PANASAR: Aduh! Itep ninghang nasèhat. 'Anak-anak rajin-rajin membantu ibu
737 rajin-rajin membantu bapak, jeg kalau ibu dan bapak bekerja jangan
738 dibantu.' Aduh!
- 739 LUH WEDANI: Kènkèn? Pelih cang ento?
- 740 WIJIL: 'Tenja iwang.
- 741 PANASAR: Apang ten kadung kènten.
- 742 WIJIL: Enggih.
- 743 PANASAR: Alit-alité sampunang icèna palajaran sané boya-boya!
- 744 WIJIL: Enggih! Ané becik-becik satmaka kertas putih.
- 745 LUH WEDANI: (*Sings*)
- 746 WIJIL: Beli, beli, beli. Eda, ilidinga tukang kendangé. Maileh anaké, nengèng
747 tukang kendangé ilidang. Yéé!
- 748 PANASAR: Bé?
- 749 WIJIL: Yéé! Berek, ené cingakina.
- 750 PANASAR: Ais! Tukang kendangé papat misi panyurian.
- 751 WIJIL: Sing, anak...
- 752 LUH WEDANI: Sing nyak ci nulungin cang ngigel? Jeg didian cang kéné ngigel.
- 753 WIJIL: Saja beli.
- 754 LUH WEDANI: Eda tukang kendangé dogèn urusanga.
- 755 WIJIL: Beli! Yèn lèng tukang kendangé...
- 756 LUH WEDANI: Ené kadidian cang ngigel, kéné cara cicing tamplig Honda. John.
- 757 PANASAR: Ais.
- 758 WIJIL: Ais! Kadèn cang apa ngaliling, 'puk.

- 759 LUH WEDANI: Bareng anaké ngigel malu anaké. Ento, ento didian cang dogèn, apang
760 ada nimpalin cang.
- 761 PANASAR: Ngiring.
- 762 WIJIL: Ngiring.
- 763 PANASAR: Ngiring masolah.
- 764 WIJIL: Anak katurang malancaran.
- 765 PANASAR: Aa.
- 766 WIJIL: Cang ngiring.
- 767 PANASAR: Sira?
- 768 WIJIL: Sira ngiring?
- 769 LUH WEDANI: Nah! Wijil malu ngiring.
- 770 WIJIL: Inggih.
- 771 PANASAR: Bèh! Ia malu.
- 772 LUH WEDANI: Apang ada dogèn ajak.
- 773 PANASAR: Nah! Apang sing ilidang tukang kendangé, beli malaib.
- 774 WIJIL: Eda tanjunga ento.
- 775 PANASAR: Suba taunang beli? Batisé mamata.
- 776 WIJIL: Kènkèn ené?
- 777 LUH WEDANI: Kènkèn ento?
- 778 PANASAR: Badah! Kumat sakit ipuné, kumat.
- 779 LUH WEDANI: Ia ngudiang nyalèmpoh? Batak ajak ngigel dogèn.
- 780 PANASAR: Aduh! Jalema sing mabayu.
- 781 WIJIL: Beli!
- 782 PANASAR: Badah! Lacur.
- 783 WIJIL: Aduh, Beli!
- 784 PANASAR: Suwud ia madagang baas.
- 785 LUH WEDANI: Sangkal kèto?
- 786 PANASAR: Batun dacin ipuné belah.
- 787 WIJIL: Cang suwud. Suba amonto ngigel, belié.
- 788 LUH WEDANI: Kètuwang dogèn, melahang batun dacin.
- 789 WIJIL: Dija ada unduk anaké matetanganan. Cang seken keneh cangé amonto.
790 Plak! Gerès! Aduh, Beli!
- 791 LUH WEDANI: Nah! Kapluga agigis, ento ngaranang nyen.
- 792 PANASAR: Awak tuara bisa ngigel, sing kèto?
- 793 WIJIL: Jani beli ngiring acepok apang tepuk.
- 794 PANASAR: Nah, beli ngiring.
- 795 WIJIL: Tukang iringé suba gelem.
- 796 PANASAR: Inggih.
- 797 LUH WEDANI: Nah! Ené mara magetihan buin ausap.
- 798 PANASAR: Srèt! Plak-Plak-Plak-Plak-Plak.
- 799 LUH WEDANI: Eda anaké kebitanga saputé, celanané uwèk.
- 800 PANASAR: Mara dibi meli celana di toko, sada celanaé... Ngiring.
- 801 LUH WEDANI: Magending.
- 802 PANASAR: Suba siap siaga, tukang silat kètuwanga. Mara makikèn. Ais! Mara terus
803 maju, Tak. Buin ngalawan 'tandangan T' baang, Plak.
- 804 WIJIL: Bèh! Maan ia ngalih...
- 805 PANASAR: Lèn jalema belog, mara matanganan, Bèh! Kèné! Sing jeg sapu bersiha.
806 Kènkèn anak mula tukang copét baang...

- 807 WIJIL: Kenehé sing lamun benehé, sawirèh anak...
- 808 LUH WEDANI: Luluk-luluk.
- 809 PANASAR: Sira bakal nikain ento?
- 810 LUH WEDANI: Nyèn, men? Cai ajak dadua.
- 811 PANASAR: Bèh! Dong luwung 'luluk-luluk'. Kadèna I Anggrèk jenenga. Bes nyata titiang jalema, magoba jalema.
- 812
- 813 LUH WEDANI: Nah! Batak guyuin sing dadi ia. Bih! Carèwèt pesan, dadi parekan. Cai nagih juari tekèn cang? Tolih anaké panabuhé ajak kuda ento pelung-pelung.
- 814
- 815
- 816 PANASAR: Ais.
- 817 LUH WEDANI: Ada juari tekèn cang? Plak! Mara kètuwang cang dogèn makejang marèrèn. Ada bani? Tolih tegarang ajak kuda ento.
- 818
- 819 WIJIL: Aduh! Sami marèrèn. Sampunang nyemak panggul, kapluka nyen.
- 820 LUH WEDANI: Plak! Mara kètuwang cang dogèn suba marèrèn. Sing ada bani.
- 821 WIJIL: Uh! Jakti.
- 822 LUH WEDANI: Ento cang bengong. Mara kaplakin cang nguda marèrèn? Yèn biasané jumah 'Plak!'. Anak mulai.
- 823
- 824 PANASAR: Wih! Aih! Ada sing Leser raosné?
- 825 WIJIL: Enu dogèn maan ané kèto-kèto.
- 826 LUH WEDANI: Anak ené jejehina tekèn panabuhé, ené jejehina.
- 827 PANASAR: Napié jejehina ento?
- 828 LUH WEDANI: Ené, ené, ené.
- 829 PANASAR: Uh! Baan mabungkung barué.
- 830 LUH WEDANI: Sing! Jeg jari lalima. Ené Pañcajari.
- 831 WIJIL: Uh! Yèn juang ring tangan, Pañcajari ané katakutin?
- 832 LUH WEDANI: Kasal **Pañcaśakti**.
- 833 WIJIL: Beli! Dingehang beli ené ceramah P.K.K. ené!
- 834 PANASAR: **Pañca?**
- 835 WIJIL: Lalima.
- 836 PANASAR: **Śakti?**
- 837 LUH WEDANI: Sakti.
- 838 PANASAR: Napi buktiné?
- 839 LUH WEDANI: Pañcajari sakti?
- 840 WIJIL: Pañcajari.
- 841 LUH WEDANI: Tolih, panabuhé ada bani?
- 842 WIJIL: Uh! Pancajari sakti, mara medal, panabuh marèrèn?
- 843 PANASAR: Jejeh.
- 844 LUH WEDANI: Yèn alihang di dasar nagara, Pancasila sakti.
- 845 WIJIL: Uh! Pancasila sakti, munggah ring minakadi dasar Negara Nusantara.
- 846 LUH WEDANI: G30S hancur.
- 847 WIJIL: Uh! Bih! Déwa Ratu.
- 848 PANASAR: Santukan Pancasila sané ngawé wenang.
- 849 LUH WEDANI: Di agama alihang **Pañcaśrada**.
- 850 WIJIL: Uh! Ada **Pañcaśrada**, lima dasar iraga pesajan maagama madasar antuk srada.
- 851
- 852 PANASAR: Taler.
- 853 LUH WEDANI: Sakti.
- 854 WIJIL: Sakti.

- 855 LUH WEDANI: **Adharmané** kalah.
- 856 WIJIL: **Adharmané. Pañca Pandawa** lalima menang masih.
- 857 LUH WEDANI: Pañca Pandawa masih kèto.
- 858 WIJIL: Patuh, lalima mula.
- 859 LUH WEDANI: Kasal Pañca, sakti. Delod umahé Dadong Pañca!
- 860 PANASAR: Aduh! Bèh! Luwung **Pañcaśrada**, Pañca Pandawa, delod umahé Dadong Pañca!
- 861
- 862 WIJIL: Sapunapi Dadong Pañca?
- 863 LUH WEDANI: Sing sakti?
- 864 WIJIL: Ada Dadong Pañca mai? Lakar orang.
- 865 PANASAR: Sakti. Dugas kajeng-klioné di pempatané tepuk.
- 866 WIJIL: Nguda? Ngaturang canang?
- 867 PANASAR: Aa.
- 868 WIJIL: Nawang dogèn.
- 869 PANASAR: Ento ngudiang tekedang Dadong Pañcan anaké sambat-sambat? Madakja apang kecota bolné!
- 870
- 871 WIJIL: Ah.
- 872 PANASAR: Saja.
- 873 LUH WEDANI: Sangkal ento suba ngaranang. Ené ada artiné lalima ené.
- 874 PANASAR: Wènten artiné?
- 875 WIJIL: Sapunapi? Sapunapi punika?
- 876 LUH WEDANI: Ini ibu jari.
- 877 WIJIL: Ibu jari?
- 878 LUH WEDANI: Penggali dana.
- 879 WIJIL: Aa.
- 880 LUH WEDANI: Ené penggali dana ibu jari. Yèn di jumah sing ada ibu, usak rumah tanggaé.
- 881
- 882 WIJIL: Uh! Perlu ada ibu, ibu jariné ené penggali dana, Beli.
- 883 LUH WEDANI: Ené penggali dana.
- 884 PANASAR: Dados asapunika?
- 885 LUH WEDANI: Yé! Tegarang kemu ka bank, lamun sing ada cap jempol baanga cai pipis?
- 886
- 887 PANASAR: Ais! Beneh masih. Ka bank lamun sing ada cap jempol, sing maan pipis.
- 888 WIJIL: Saja. Masih inget cang, Yèn tutur anak tua-tua pidan: 'Cening, buin pidan, yèn cening malajahin agama, ené suba **pinaka simbul.**'
- 889
- 890 PANASAR: Aa.
- 891 WIJIL: **Pinaka simbul** kenehé maagama, kenehé pesajan masawitra. Ené. Saja, ada sing anak nyambat sara tamu? 'Ainggih! Durus.' Saja ené anggoa.
- 892
- 893 LUH WEDANI: Apang kéné.
- 894 WIJIL: Ainggih! Saja.
- 895 LUH WEDANI: Ené, tawang cai ené?
- 896 WIJIL: Aduh! Napi niki?
- 897 LUH WEDANI: Ené, tujuh ené.
- 898 PANASAR: Patut.
- 899 LUH WEDANI: Telunjuk ené.
- 900 PANASAR: Inggih.
- 901 WIJIL: Patut.
- 902 LUH WEDANI: Ené suba membantu Pak Klian.

- 903 PANASAR: Dados asapunika?
- 904 LUH WEDANI: Ené membantu Pak Perbekel.
- 905 WIJIL: Aluh-aluhang dadi klian. Dadi?
- 906 LUH WEDANI: Ené membantu Pak Camat.
- 907 WIJIL: Ais!
- 908 LUH WEDANI: Wantilané pragat ené. Panitiané ené suba membantu. Lamun sing ada ené, sing pragat wantilané.
- 909
- 910 WIJIL: Yé! Dadi modèl.
- 911 LUH WEDANI: Sing pragat gaéné ento.
- 912 WIJIL: Yé! Kènkèn modèl abesik dogèn? Berek sing kena, ben.
- 913 PANASAR: Dados sapunika?
- 914 LUH WEDANI: Ené paling kuata, ené.
- 915 WIJIL: Kablinger cang ené, ento.
- 916 LUH WEDANI: 'Kemu', Pak Klian jani merintahang krama banjaré. Wé! 'Ené jemak gaéné aba kemu. Ené ento tingting aba mai, aba mai.' Sangkal ené anggon nuding? Sing biasa kèné. 'Ené jemak aba kemu.'
- 917
- 918
- 919 PANASAR: Bèh! Kemu lané lakuna. Anak mula tujuh, anu, anggon matujuang. Ada anak nujuang kèné? Bèh!
- 920
- 921 WIJIL: Beli! Ngaresep masih cang abedik. Ené dharma, ené **pinaka** tetujon.
- 922 Mawinan hidup iraga hakékat hidup, dukané hidup ngalih ané madan pesajan. Ené nuntun iraga hidup. Yèn juang cara jani **guru wisésa**, mawibawa ené.
- 923
- 924
- 925 PANASAR: Praragan Sang Pemimpin beneh.
- 926 LUH WEDANI: Anak ada artiné ento makejang. Ené, tawang cai ené?
- 927 WIJIL: Ais!
- 928 PANASAR: Napi nika?
- 929 LUH WEDANI: Jari tengah. Ené pengadilan, ené.
- 930 PANASAR: Uh!
- 931 LUH WEDANI: Hakim ené.
- 932 WIJIL: Uh.
- 933 LUH WEDANI: Ené suba menentukan ené. Ené sing dadi lèngkong ené. Harus yèn beneh benehang, yèn pelih pelihang. Yèn ené lèngkong dadi sing baan magaaé! Kemu tegarang lèngkong barang cainé dadi baan magaaé.
- 934
- 935
- 936 WIJIL: Beli!
- 937 PANASAR: Ia benehja! Aduh!
- 938 WIJIL: Ené ... Aba ka pengadilan, artiné ané mégang beneh pelih. Yèn juang ané madan di **Aṣṭabrata Yamabratané**, ené. Yèn beneh benehang, yèn pelih pelihang. Yèn ené goyah sing wug ia guminé.
- 939
- 940
- 941 PANASAR: Apang sing dadi lèngkong.
- 942 WIJIL: Apang eda lèngkong.
- 943 PANASAR: Apang tetep Leser terus.
- 944 WIJIL: Aa.
- 945 PANASAR: Yèn Leser terus, kèweh masih.
- 946 WIJIL: Bahaya masih.
- 947 PANASAR: Kija sing payu.
- 948 LUH WEDANI: Ah! Cai jalema kemu dogèn. Aba cai keneh cainé buang sajan.
- 949 WIJIL: Wih!
- 950 PANASAR: Sajané.

- 951 WIJIL: 'Ten dados, 'ten dados.
 952 LUH WEDANI: Ené, ené, apa ené? Ené, ené?
 953 WIJIL: Nah! Nika jari manis.
 954 LUH WEDANI: Jari manis ené.
 955 PANASAR: Uh! Wènten naler?
 956 LUH WEDANI: Ené bank, ené. Bank panyimpenan ené.
 957 PANASAR: Dados kabaos bank?
 958 LUH WEDANI: Ené suba panyimpenan, ené.
 959 PANASAR: Kabaos bank?
 960 LUH WEDANI: Yé! Mu tegarang cai lakar ngadep gabah di carik...
 961 PANASAR: Inggih.
 962 LUH WEDANI: Suba kèto beliang bungkung... Terang dini ejang, cai.
 963 PANASAR: Uh!
 964 LUH WEDANI: Ngelah jinaran akatih dini ejang. Sing ada anak ngejang dinia.
 965 WIJIL: Bèh! Sing, dibi tiang nepukin anak meli mas di batisné bebeda.
 966 LUH WEDANI: Nah! Ento, sing, anak saudagar ès ento! Anak nyem-nyeman, ento.
 967 WIJIL: Bèh! Jeg menang dogèn nagih, sing dadi kalah. Ainggih, saja.
 968 LUH WEDANI: Ené, apa ené?
 969 WIJIL: Nika, napa nika?
 970 PANASAR: Nah!
 971 LUH WEDANI: Ené.
 972 PANASAR: Kacing.
 973 LUH WEDANI: Kacing ené.
 974 PANASAR: Wènten naler gunané?
 975 LUH WEDANI: Yé! Ené mautama ené suba ngaranang...
 976 PANASAR: Napa nika?
 977 LUH WEDANI: Bersih guminé, bersih kotaé, bersih désaé, bersih banjaré, ené suba ngaranang.
 978
 979 PANASAR: Ento, ngudiang kacing nyidang mersihang désa?
 980 LUH WEDANI: Ené suba yèn di Buana Agung. Lèn yèn di Buana Alit, di ukudan cainé ené masih mersihang.
 981
 982 PANASAR: Uh! Ring Buana Alit?
 983 LUH WEDANI: Nang, tegarang cungguh cainé daki. Ené suba anggon ngurek kuping daki, ené suba anggon ngurek. Nang, ené anggon ngurek cungguhé, mèh! wug cungguhé.
 984
 985
 986 PANASAR: Aduh!
 987 WIJIL: Nyakja masih. Yèn alih **pinaka simbul**, buka onyang hidup iragaé anak pawakan **simbul**.
 988
 989 PANASAR: Duweg masih ngadung-ngadung dané.
 990 WIJIL: Mula mawinan hidup agamané **sanjkanij simbul**. Ada panganggo **sanjkanij simbul**, ada raos **sanjkanij simbul**. Jero Mekelé sing anak mula tosin anak pradnyan.
 991
 992
 993 LUH WEDANI: Cang mimpin P.K.K. né, sangkal maju.
 994 WIJIL: Sira?
 995 LUH WEDANI: Cang.
 996 Katala: Wènten P.K.K. di Nusa?
 997 LUH WEDANI: Cang.
 998 WIJIL: Wènten 'Karang kitri' di Nusa?

- 999 LUH WEDANI: Cang.
1000 WIJIL: Wènten 'Dapur'?
1001 LUH WEDANI: Cang.
1002 WIJIL: Uh!
1003 LUH WEDANI: Cung.
1004 WIJIL: Sangkal...
1005 PANASAR: Onyang.
1006 WIJIL: Mara oranga 'cang, cang'. Mara ané jelèk 'cung'.
1007 LUH WEDANI: Sangkal ené. Ené jalema lengeh. Nènèng!
1008 PANASAR: Punapi?
1009 LUH WEDANI: Saja ené. Suba orin jani anak masan anak lakar 'Lomba Désa'...
1010 PANASAR: Patut.
1011 LUH WEDANI: 'Warung Hidup', 'Apotik Hidup', 'Karang Sari', ento ingetang ento.
1012 WIJIL: Aduh!
1013 LUH WEDANI: 'Mamula anaké', bena anaké.
1014 PANASAR: Men, somah titiangé kadèn sampun salemah peteng ka balé banjar.
1015 LUH WEDANI: Subaja jumlah cainé sing ada entik-entikang apa. Anak suba ngalapur tekèn cang, Mèn Jantuk caié.
1016 PANASAR: Bèh! Jeg.
1017 LUH WEDANI: Takonin cang Mèn Jantuk: 'Nyai, ngudiang teka mai?' Kèto. "Jero Mekel, (a)sapuniki Jero Mekel. Tiang ten nyidang ten mamula napi-napi jumlah tianga. Napija celekang tiang jeg abuta tekèn Pan Jantuk." Uh!
1018 PANASAR: Sabilang celekang nyai abuta tekèn ia. "Inggih, celekang tiang buin abuta, celekang tiang buin abuta."
1019 LUH WEDANI: Aduh! Amat 'Tut!
1020 WIJIL: Uwuh.
1021 PANASAR: Amat ia belog Mèn Jantuké ngalapur, teked ané kèto-kèto lapuranga tekèn Gustiné.
1022 LUH WEDANI: Sing keneh iané sing lamun benehné, ento madan anak jujur. Sangkal hati-hati ngaraos ngajak anak jujur. Encèn ané rahasia, encèn ané sandi, sing tawnga.
1023 PANASAR: Kéwala beneh masih. Mawanan telah buin abut, kènkèngang pelih Beli mamula.
1024 WIJIL: Kènkèn ento?
1025 PANASAR: Biasané anak bongkolné pulana. Muncukné bakat pula Beli.
1026 LUH WEDANI: Badah! Cai jalema lengeh, kènkèngang men?
1027 PANASAR: Aduh!
1028 WIJIL: Sajana mamula ubi, balain anaké kepitan ubiné.
1029 PANASAR: Men! Keneh Beliné sing kèto. Men, suwud pula sing abut, nyen terus sing, anu, nyen sing maabut-abut, kèweh masih kèto kenehé.
1030 LUH WEDANI: Bèh! Lanturané.
1031 WIJIL: Inggih.
1032 LUH WEDANI: Aduh! Jalema lengeh. Ajain anaké somahé, tawang? Apang nyak rapi jumlah, apang nyak indah, apang nyak asri.
1033 WIJIL: Beli.
1034 PANASAR: Titiang ten bakat baan ngurusang somah. Sampunja Jeroné dados klian P.K.K., 'ten, Jeroné anaké ngajain somah titiang.
1035 WIJIL: Patut nikain napi.

- 1047 LUH WEDANI: Ento suba orin cang ené. Buin besik, somahné Mèn Kembangé...
- 1048 PANASAR: Bèh!
- 1049 WIJIL: Teked masih dumané. Suba tambak-tambakin.
- 1050 LUH WEDANI: Saja suba tombaang cang. 'Eda masang-masang PORKAS.' Suba kèto
1051 terus masang SDSB, apa adané?
- 1052 PANASAR: Ipun?
- 1053 LUH WEDANI: Ené suba.
- 1054 PANASAR: Kurenané sareng taler?
- 1055 LUH WEDANI: Luh muani.
- 1056 PANASAR: Badah! Ené suba jalema pokok judi.
- 1057 LUH WEDANI: Wé! Mèn Kembang matakon tekèn cang.
- 1058 WIJIL: Sapunapi?
- 1059 LUH WEDANI: "Ratu, anak ten dadi tombaang tiang. Tiang anak jeg makita dogèn tiang
1060 masang masih." 'Men, kènkèn nyai? Taèn nyai ngukup?' kètuang cang.
1061 "Tenja. Bapané ngukup, tiang kena terus kèto."
- 1062 PANASAR: Aduh!
- 1063 WIJIL: Bèh! Jeg telah teked ka akah-akahné maebèt. Inggih, mangkin sampun
1064 ngalintang ané pelih-pelih, sané kuwang-kuwang. Mangkin Jero
1065 nganikain sapunapi patuté.
- 1066 LUH WEDANI: Sangkal jani...
- 1067 WIJIL: Inggih.
- 1068 LUH WEDANI: Di cariké ento, teked ka carik bakat baan cang ngurusang.
- 1069 WIJIL: Uh!
- 1070 LUH WEDANI: Teked ka balang sangit.
- 1071 PANASAR: Pertaniané?
- 1072 LUH WEDANI: Pertaniané, apang ada Tumpang Sari perkebunan.
- 1073 WIJIL: Uh! Sapunapi?
- 1074 LUH WEDANI: Tumpang Sari peternakan.
- 1075 PANASAR: Sapunapi? Tumpang Sari peternakané?
- 1076 WIJIL: Uh! Aluh, alih dogèn I Sari tumpangin.
- 1077 LUH WEDANI: Jalema lengeh.
- 1078 WIJIL: Yé.
- 1079 LUH WEDANI: Yèn Tumpang Sari peternakan, jeg makeneh ngubuh siap kandangin
1080 siapé, eda lèbanga, opaka tekèn pisagaé.
- 1081 WIJIL: Uh!
- 1082 LUH WEDANI: Kandangin siapé beneh. Suba ngelah kandang siap, betèn kandang siapé,
1083 ento apang ngelah kandang cèlèng. Disamping kandang cèlèngé ento,
1084 nyidang apang ada telaga, apang maguna onyangan. Ejin siap ditu, tainé
1085 amaha tekèn cèlèngé.
- 1086 WIJIL: Uh!
- 1087 LUH WEDANI: Yèn cèlèngé meju, anyud ka telagaé.
- 1088 PANASAR: Bé anu polih.
- 1089 LUH WEDANI: Bée ngamah.
- 1090 WIJIL: Uh!
- 1091 LUH WEDANI: Suba kèto, yèn bée meju, cai ngamah!
- 1092 WIJIL: 'Tain bée cai ngamah!' Tain niki nika ia ngamah.
- 1093 PANASAR: Aé!
- 1094 WIJIL: Men, saja ené, tain bé cang ngamah...

- 1095 PANASAR: Ah.
- 1096 WIJIL: Mangkin ten asapuniki, tiang ngusul betèn siapé cèlèng...
- 1097 LUH WEDANI: Beneh.
- 1098 WIJIL: Betèn cèlèngé bé, suba tain siapé amaha tekèn cèlèngé, ento tain cèlèngé amaha tekèn béé. Titiang ngusul, betèn kolamé punika pangorèngan.
- 1099
- 1100 LUH WEDANI: Nguda kèto?
- 1101 WIJIL: Apang acepok gaéné. Apang lantàs gorèng tendasné onyangan. Bes sajaé...
- 1102
- 1103 LUH WEDANI: Jalema lengeh saja. Ento Tumpang Sari adané.
- 1104 PANASAR: Uh.
- 1105 LUH WEDANI: Jani ada Tumpang Sari perkebunan.
- 1106 PANASAR: Perkebunan tios malih?
- 1107 LUH WEDANI: Yèn bena ngelah punyan nyuh...
- 1108 PANASAR: Inggih.
- 1109 LUH WEDANI: Beténé ento apang ejin, yèn apa patutné, yèn cengkèh ejangin...
- 1110 PANASAR: Séla bun dados dagingin.
- 1111 LUH WEDANI: Tumbeg ento terus, séla bun. Yèn mula bena jagung ento ejin séla bun, ia bena jagung mupu, séla bun mupu.
- 1112
- 1113 WIJIL: Aduh! Cocok mula.
- 1114 LUH WEDANI: Eda besik-besik pulana.
- 1115 PANASAR: Nyuh beténé ejin séla, séla ejin jagung.
- 1116 WIJIL: Aa.
- 1117 PANASAR: Disamping jagungé ejin bojog!
- 1118 WIJIL: Ah! Pelih! Disamping punyan jagungé ubuhang siap.
- 1119 PANASAR: Yéé!
- 1120 LUH WEDANI: Siapé suba makandang. Cang ngatur onyangan. Yèn mula bena panili cara janié...
- 1121
- 1122 PANASAR: Inggih.
- 1123 LUH WEDANI: Ékspor non-migas ento.
- 1124 PANASAR: Patut punika.
- 1125 LUH WEDANI: Lurus-lurusang mamula selag-selagané ejin salak.
- 1126 PANASAR: Aduh! Aa. Luwung-luwung ento.
- 1127 WIJIL: Ah.
- 1128 PANASAR: 'Panili ejin salak.' Apang nyak ngalap panili telah kena duin salak!
- 1129 WIJIL: Sajané.
- 1130 PANASAR: Ento teked ané kèto-kèto dogèn, urusanga insinyur pertanianné.
- 1131 WIJIL: Sing, Beli. Eda anaké kemu abana. Tegarang Beli kenehang adèng-adèng. Apa panikan Jeroné anak saja ento. Mapan jani iraga anak ngelah tanah abedik apang buka onyang nekaang guna kawigunan. Beneh masih, eda anaké kemu dogèn abana.
- 1132
- 1133
- 1134
- 1135 LUH WEDANI: Ené jalema lengeh.
- 1136 WIJIL: Saja Beli, tiang dumun sampun polih...
- 1137 PANASAR: Inggih! Bes wikané kadi Jeroné mapaica.
- 1138 WIJIL: Durus-durus. Napi wènten malih?
- 1139 LUH WEDANI: **Sukan Nira né kalangkun.**
- 1140 WIJIL: Uh.
- 1141 LUH WEDANI: Liang cang. Apa karena liang?
- 1142 WIJIL: Paman.

- 1143 LUH WEDANI: Cang sayanganga tekèn belin cangé.
 1144 WIJIL: Aduh!
 1145 PANASAR: Napi sané makahawinan?
 1146 WIJIL: Ah.
 1147 LUH WEDANI: Sangkal kéné boné bunguté karbit dogèn! Dadi?
 1148 PANASAR: Aduh! Kadèna panyekeban biyu, jenenga.
 1149 WIJIL: Beli. Suba orang anak sing ada anggon beneh.
 1150 LUH WEDANI: Anak cang, anak saling asah saling asih saling asuh ajak belin cangé.
 1151 PANASAR: Sareng I Raka.
 1152 LUH WEDANI: Cang taèn tuturina pidan tekèn anak lingsir cangé.
 1153 PANASAR: Inggih.
 1154 WIJIL: Inggih. Sapunapi?
 1155 LUH WEDANI: 'Ayu-ayu jegèg I Déwa...'
 1156 WIJIL: 'Cening, Cening ayu...'
 1157 LUH WEDANI: 'Yèn ada anak nyen buin pidan...'
 1158 WIJIL: 'Dipradéé pèt...'
 1159 LUH WEDANI: 'Ngambil I Dèwa...'
 1160 WIJIL: 'Nganggo...'
 1161 LUH WEDANI: 'Sing dadi I Déwa bani-bani tekèn anak muani...'
 1162 WIJIL: Uh!
 1163 LUH WEDANI: 'Yèn bani tekèn anak muani, yèn bani tekèn somah muania...'
 1164 PANASAR: Patut.
 1165 LUH WEDANI: 'Mati bena buin pidan dadi entip kawah, dadi uled tendasé namitis.'
 1166 WIJIL: Aduh!
 1167 PANASAR: Nah!
 1168 WIJIL: (*Sings*) **Apan ikaṅwaṅuttama juga iya. Nimitaniya maṅkana...**
 1169 Apang eda disubané dadi manusa, buin ngadug-ngadug ané boya-boya
 1170 bakat gaé. Apang eda disubané dadi manusa, buin...
 1171 PANASAR: Aratu! Jero Mekel.
 1172 WIJIL: Bih! Patut.
 1173 PANASAR: Punika patut kagega kadi pangandikan anaké lingsir, mangda 'ten purun
 1174 tempal.
 1175 LUH WEDANI: Sangkal cang sing bani tekèn belin cangé; belin cangé kèto masih sing
 1176 bani tekèn cang. Yèn cai, somah cainé sing bani tekèn cai, cai sing bani
 1177 tekèn anak luh!
 1178 PANASAR: Inggih. Dumadakja apang kènten, titiang.
 1179 WIJIL: Mula, mula.
 1180 PANASAR: Uling pidan anak miegan kéwanten, titiang.
 1181 LUH WEDANI: Eda mieg-miegan. Yèn bena masakaya aji siu, kingsanang sik somahé.
 1182 Yèn masakaya aji duang tali, kingsanang sik anak luh.
 1183 PANASAR: Sampun, anu, icèn...
 1184 WIJIL: Bèh!
 1185 LUH WEDANI: Eda amaha didian. Anak luh-luh anak demen kingsanin. Tegarang cai
 1186 aminggu sing taèn makingsan barang cainé!
 1187 PANASAR: Bah! Matagenan lakar ngingsanang hasil karya maan ngadep togog,
 1188 kingsanang atenga pipisné... Yé! Jeg lèn aminggu sing makingsan!
 1189 WIJIL: Saja masih, Beli.
 1190 PANASAR: Aduh!

- 1191 WIJIL: Anak mula kèto.
- 1192 LUH WEDANI: Durung puput ucap-ucap, Beli Agung mirib matangiini.
- 1193 WIJIL: Dong sangkal...
- 1194 SRI AJI PALAKA: (*Sings in Pupuh Sinom Uug Payangan*) Gelis manampekin...
- 1195 PANASAR: Bé! Ngudiang kenceng? Ais!
- 1196 WIJIL: Dija lakuna Jero Mangkuné? Niki ngawag-ngawag lunga praragan.
- 1197 LUH WEDANI: Jalema lengeh! Cang lemu, not! Cang lemu, not!
- 1198 WIJIL: Aduh! Inggih!
- 1199 SRI AJI PALAKA: Kadèn nyèn magagonjak?
- 1200 PANASAR: Kayunang Cokor I Déwa sira? Puniki sampun Ida I Ari sakadi bulan purnama.
- 1201 LUH WEDANI: Uduh! Paman, lengkejut tiang.
- 1202 WIJIL: Sampunang 'lengkejut', 'tengkejut'.
- 1203 LUH WEDANI: Yèn anak di puri 'lengkejut'. Yèn anak jaba mara 'tengkejut'.
- 1204 WIJIL: Badah!
- 1205 PANASAR: Ngelah dogèn. 'Lengkejut' anak!
- 1206 WIJIL: Ené sembilan puluh persén suba.
- 1207 LUH WEDANI: (magending) Jeg, macepol...
- 1208 PANASAR: Bé! 'Kadèn titiang niwang.' Kènéta. Aduh!
- 1209 LUH WEDANI: Dados wawu Beli **prapta**?
- 1210 PANASAR: 'Singgih pedek rauh.' **Sira** Sugriwa pacang tangkil ring **Sira** Sri Ramadéwa.
- 1211 LUH WEDANI: Kapluk cang tendasné.
- 1212 WIJIL: Wé! Isinin ngoré! Maan masih ngalih gaé.
- 1213 LUH WEDANI: Kadèna sendratari ené?
- 1214 WIJIL: Siepang ibané.
- 1215 PANASAR: Bes kéné nangkil. Bèh! Sing! Nyak cara Sugriwa? '**Singgih akşama akèna** Sugriwa.' Aduh! Becikan anaké matur.
- 1216 LUH WEDANI: Titiang nyantos kanti...garang, garang, garang!
- 1217 PANASAR: Aduh! Jeg seneb basangé. Ada urung matur 'titiang nyantos...?'
- 1218 Sri Aji Palaka: (magending, but inaudible)
- 1219 PANASAR: Ah! Ah! Eda! Tengilang ragaé, tengilang ragaé.
- 1220 WIJIL: Beli, saja ento.
- 1221 PANASAR: Sengkala!
- 1222 WIJIL: Aduh! Sengkala kènkèn?
- 1223 PANASAR: Dong luwung abetné ngatrèk. Tuwahja daérah pariwisata, silitné ngaba 'Pelis'!
- 1224 WIJIL: Kènkèn ento?
- 1225 PANASAR: 'Plis' kèto. Semprota bungut Beliné.
- 1226 SRI AJI PALAKA: Bes bebèki tekèn parekan.
- 1227 WIJIL: Saja, bes bebèki.
- 1228 PANASAR: Aa.
- 1229 WIJIL: Dija ada unduk? Karuwan parekan sayangang mangkin.
- 1230 PANASAR: Ais! Ais! Kauh, kauh, kauh! Nah! Kaja, kaja, kaja! Nah!
- 1231 WIJIL: Kangin, kangin, kangin!
- 1232 PANASAR: Menèk, menèk, menèk. Tuwun, tuwun, tuwun. Luwung cara nyetèl, anu, cara nyetèl, apa adané?
- 1233 WIJIL: Plalian-plalianang.

- 1239 PANASAR: Cara robot.
- 1240 SRI AJI PALAKA: Nyèn ngelah ragané lumlum?
- 1241 PANASAR: 'Adi, nyènké ngelah ragané lumlum?'
- 1242 LUH WEDANI: Cang ento.
- 1243 WIJIL: Inggih.
- 1244 SRI AJI PALAKA: Nyèn ngelah bangkiangé ramping?
- 1245 PANASAR: 'Ragané lumlum.' Bih! Maan kernèté nyèrep.
- 1246 SRI AJI PALAKA: Muané nyampuah.
- 1247 PANASAR: Ais! Kadèna apa ento? Ngudiang kènten? Anak ambila tekèn I Raka becikang anaké. Eda jeg cara jair sambuin wot kèto.
- 1249 SRI AJI PALAKA: Nyèn ngelah susuné rumpiang?
- 1250 PANASAR: 'Sapa sira madrebé susuné rupih?' Yé! Napi ten misi! Napi susu rupih?
- 1251 Asah!
- 1252 LUH WEDANI: Badah! Jalema lengeh! Singja, jani asah, anak suba dibi sanja klecota, not. Apa ia kadèna? Kadèna jaja apem nyonyoé?
- 1253 SRI AJI PALAKA: Nyèn ngelah rambuté samah?
- 1254 LUH WEDANI: Aa! Dingeh cai, Punta! Wé! Dingeh cai!
- 1255 PANASAR: Titiang.
- 1257 LUH WEDANI: Bengong belin cangé. Ento nyèn ia ené gadis manis berkèpang dua?
- 1258 PANASAR: Inggih. Aduh! 'Nyènja gadis manis berkèpang dua?' Inggih, anak wantah kènten, bengong wiakti titiang.
- 1259 SRI AJI PALAKA: Kadi méga ngemu ngararis.
- 1260 PANASAR: Sakadi gulemé ngemu ujan.
- 1261 LUH WEDANI: Beli, Beli! Eda suba tiang ajum-ajuma, Beli. Yèn ada anak ningeh lek atiné, 'puk.
- 1262 PANASAR: Aduh! Luwung cara celepuk ngataarang anak beling.
- 1263 LUH WEDANI: Punta! Wé!
- 1264 PANASAR: Titiang.
- 1265 LUH WEDANI: Punta! Wé! Yèn cai teked jumah, ajum-ajum cai somah cainéa?
- 1266 PANASAR: Ten naenin tiang ngajum-ngajum somah.
- 1267 LUH WEDANI: Badah! Ento suba kèto. Ento suba somah cainé kènkèng, men? Yèn bilang cai mulih teked jumah somah cainé ngenang suba bubu, suba bujuh bungutné, suba. Béé! Kamené suba daki cuil, sabukné pegat, sing suba maBH. Kènkèng men? Wé! Punta, Wé!
- 1270 PANASAR: Yèn Jeroné sapunapi?
- 1271 LUH WEDANI: Yèn ada anak muania,
- 1272 PANASAR: Inggih?
- 1273 LUH WEDANI: Demen ngalih mitra...
- 1274 PANASAR: Ais!
- 1275 LUH WEDANI: Ané muania sing pelih, entoa.
- 1276 PANASAR: Sira iwang?
- 1277 LUH WEDANI: Ané luh pelih.
- 1278 PANASAR: Dados sapunika?
- 1279 LUH WEDANI: Sing ia bisa ngurusang somahné jumah. Sing kapisaga ia ngalih amik-amikan? Yèn cang suba, belin cangé suba bisa ngurusang.
- 1280 PANASAR: Uh!
- 1281 LUH WEDANI: Yèn enu di bancingah...
- 1282 PANASAR: Punapi?

- 1287 LUH WEDANI: Cang jumah suba makenyir.
- 1288 PANASAR: Bèh! Bes ngencot. Rakané enu dibancingah ené Jeroné di puri suba
- 1289 makenyir. Men? Yèn titiang kènten kurenan titiangé di peken, titiang enu
- 1290 di peken, kurenané jumah sampun kenyer-kenyer, sih, masrangkaban
- 1291 anaké 'ené uling pidan bebainan?' sih, kènten, aé.
- 1292 LUH WEDANI: Cai sing ngelah keneh. Cai apang bisa anaké bena ngayahin, tawang cai?
- 1293 PANASAR: Uh! Kènten mangda uning ngay(ah)in Ida I Raka?
- 1294 LUH WEDANI: Ento suba. Kènkèn cang sing sayanganga? Cang bisa cang.
- 1295 PANASAR: Bèh!
- 1296 LUH WEDANI: Semengan mara bangun kopi susu, taluh setengah mateng misi mica
- 1297 gundil.
- 1298 PANASAR: Uh! Lengkap resépné misi mica gundil. Punika semeng?
- 1299 LUH WEDANI: Ento semengan. Yèn icang buin pidan matunangan... Kadèn cai dugasé
- 1300 enu bajang?
- 1301 PANASAR: Punapi?
- 1302 LUH WEDANI: Laguté nyen goban cangé kéné.
- 1303 WIJIL: Sapunapi?
- 1304 LUH WEDANI: Srandang-srèndèng, nyen.
- 1305 WIJIL: Bèh!
- 1306 LUH WEDANI: Lamun sing memenuhi syarat cang sing nyak, sing, juwanga. Cang sing
- 1307 ngalih anak muania. Nomor satu syaratné, tawang cai?
- 1308 WIJIL: Inggih.
- 1309 LUH WEDANI: Mengajukan surat permohonan!
- 1310 WIJIL: Bèh!
- 1311 LUH WEDANI: Dua: siap melakukan percobaan tiga bulan.
- 1312 PANASAR: Berat pesané ngalamar misi melakukan percobaan tiga bulan.
- 1313 LUH WEDANI: Siap ditempatkan dimana saja.
- 1314 PANASAR: Malih.
- 1315 LUH WEDANI: Tawang cai siap ditempatkan dimana saja? Kadèn cai diseluruh
- 1316 Nusantara?
- 1317 PANASAR: Artiné diseluruh Nusantara?
- 1318 LUH WEDANI: Sing.
- 1319 PANASAR: Punapi?
- 1320 LUH WEDANI: 'Siap ditempatkan dimana saja.' Artiné: 'samping kanan, samping kiri,
- 1321 atas maupun bawah.'
- 1322 PANASAR: Aduh! Kadènja dija jeg ejang apang nyak.
- 1323 LUH WEDANI: Tawang cai anak muani-muani cara jani anak lèn?
- 1324 PANASAR: Punapi?
- 1325 LUH WEDANI: Anak mula lain di hati, lain di mulut. Yèn nepukin anak cenik dimargaé,
- 1326 inget suba tekèn panakné jumah.
- 1327 WIJIL: Uh! Kènten?
- 1328 LUH WEDANI: Yèn nepukin anak jegèg-jegèg dimargaé, engsap suba tekèn somahné
- 1329 jumah.
- 1330 PANASAR: Bèh! Sampunang anaké carukanga asapunika.
- 1331 LUH WEDANI: Sangkal cang ngalih anak muani pidan, takonin cang: 'Beli, Beli. Cinta
- 1332 tekèn iang, Beli? Cinta, cinta apa, men, Beli. Beli?' Yèn cinta modern
- 1333 tawang cai?
- 1334 PANASAR: 'Ten. Napi nika?

- 1335 LUH WEDANI: Jeg semengan ia kenal...
- 1336 PANASAR: Inggih.
- 1337 LUH WEDANI: Tengaia merayu, sanjaé merayap.
- 1338 PANASAR: Aduh! Dija kadèn keniana resèp abodag? 'Cinta modéren semengan!'
- 1339 LUH WEDANI: Ada cinta gerilya, apang tawang cai.
- 1340 PANASAR: Napi?
- 1341 LUH WEDANI: Cinta gerilya.
- 1342 PANASAR: Napi nika?
- 1343 LUH WEDANI: Petengné nembak, semengan malaib!
- 1344 PANASAR: Aduh! Nyak sajan.
- 1345 LUH WEDANI: Yèn cang ajak belin cangé, lamun sing cinta kuku kangguwang cang
- 1346 sing-a.
- 1347 PANASAR: Uh! Cinta kuku, Jeroné?
- 1348 LUH WEDANI: Cinta kuku, tawang cai?
- 1349 PANASAR: 'Ten.
- 1350 LUH WEDANI: Cinta kuku: biar dia dipotong dia tetap tumbuh lagi.
- 1351 PANASAR: Nah! Apang kènten anaké.
- 1352 SRI AJI PALAKA: Tuwah mula ané kapuji.
- 1353 PANASAR: Sampunang kènten.
- 1354 WIJIL: Aduh! Kedèkina tekèn panjak-panjaké.
- 1355 LUH WEDANI: Cang bergaya, not.
- 1356 PANASAR: Beneh. Tekajeg salah, bakta ka soléh, bakta ka Bangli.
- 1357 LUH WEDANI: Cai jalema lengeh.
- 1358 SRI AJI PALAKA: Ené ané mula mautama, manut kadi di jagaté.
- 1359 PANASAR: Waluya Sang Hyang Sri manumadi ring praragan Jero Mekelé.
- 1360 LUH WEDANI: Tawang cai ané ngaranang cang cara Sri?
- 1361 PANASAR: Punapi?
- 1362 LUH WEDANI: Liang cangé bes sanget. Uling pidan belin cangé kija pra sing nunas ica.
- 1363 PANASAR: Nah.
- 1364 LUH WEDANI: Telah pura-puraé.
- 1365 PANASAR: Aduh! Manawi wènten...
- 1366 LUH WEDANI: (magending) Uduh! Bapa iang manawegang.
- 1367 PANASAR: Aduh! Anaké lingsir!
- 1368 LUH WEDANI: Bapa. Kènkèn nènènanang kèné? Jeg ka sisi suba lingsir, suba orin
- 1369 ngoyong.
- 1370 PASEK BENDÉSA: Déwa Ratu!
- 1371 LUH WEDANI: Wé! Bapa. Wé! Nyapliir, nyapliir ento nyapliir.
- 1372 PANASAR: Aduh!
- 1373 PASEK BENDÉSA: Cening! Bapa tua, sing, pantes Bapa nangkil mai.
- 1374 PANASAR: Icèn-icèn malinggih anaké.
- 1375 LUH WEDANI: Nah! Negak-negak-negak-negak.
- 1376 PASEK BENDÉSA: Aduh!
- 1377 PANASAR: Sajana, anak lingsir.
- 1378 PASEK BENDÉSA: Eda salah tampi.
- 1379 PANASAR: Ngudiang sing benengang-benengang? Nah!
- 1380 LUH WEDANI: Wé! Wé! Ento songné, songné ngalih!

- 1381 PASEK BENDÉSA: Cening! Disubané cening dadi rabi, dadi Wang Jero, eda anaké jengking-
 1382 jengking ajak Bapa tua. Jani Bapa suba tua kaph-kaph anak nyapliir.
 1383 Cening, anak kenceng taèn sing nyapliir-nyapliir.
- 1384 LUH WEDANI: Eda anaké nyokcok. Suba kerengan nyapliir, oyongang ragaé.
- 1385 PASEK BENDÉSA: Cening. Yèn Bapa tua sing baang nyokcok... Pan Cening!
- 1386 PANASAR: Napi?
- 1387 PASEK BENDÉSA: Yèn sing Bapa awainé maan nyokcok apang telu, sing lega bayué.
- 1388 PANASAR: Inggih. Anak wantah kènten. Dresta ngiunang canang sané ngaranayang
 1389 untuné kereng.
- 1390 PASEK BENDÉSA: Mamitang lugra, titiang parekan werda, titiang. Titiang I Bandésa Nusa
 1391 tuaé tua tuwuh titiang ring Nusa. Bengong titiang ngantenang pidabdab
 1392 **anggan** Palungguh I Ratu kasarengin antuk pianak titiang, Wang Jeroné,
 1393 Pan Cening. Miragi titiang orta **anggan** Palungguh Dalem **mürdhanij**
 1394 jagat jagi naur sasangi, **dèniñ** sampun paican Ida Batara Gua Lawah.
 1395 Unteng kairing? Ené dadi macanda-canda? Ené dadi maplalian? Puraé
 1396 suba bakal odalan. Ené gaéné pragat ben macanda dong kènten? Sarat
 1397 Bapa tua...
- 1398 PANASAR: Aratu Déwagung! Patut ngan(d)ika anaké. Cokor I Déwa wènten
 1399 pawungu paman druwén.
- 1400 SRI AJI PALAKA: Anggèn titiang panglengkara.
- 1401 PANASAR: Aduh! Bapa.
- 1402 PASEK BENDÉSA: Men? Men?
- 1403 PANASAR: 'Eda nyen Bapa salah sengguh, adan tiangé dini ajak I Adi. Raosang
 1404 Bapa macanda, sing ada kèto. Suba anaké tiang minehin lakar mayah
 1405 penauran tiangé, sawirèh suba prasida tiang ngawetuwang preti santana.'
- 1406 SRI AJI PALAKA: **Dèniñ** sami sampun puput.
- 1407 LUH WEDANI: Bapa, eda Bapa sebet. Anak suba pragat, ento baan tiang makejang. Apa
 1408 buin, anak suba madabdab baan tiang.
- 1409 PASEK BENDÉSA: **Mejēt-mejēt, uwus karēñö śabda**, Pan Cening. Mamitang lugraha,
 1410 sampunang **mungah piduka, anggan** Palungguh Cokor I Déwa. Titiangé
 1411 tuaé tua tuwuh. Yèn nyakja tua lingsir luwung, titiang 'ten **jāgra winuñu**
 1412 mapainget.
- 1413 PANASAR: Patut.
- 1414 PASEK BENDÉSA: Kéwanten **mānuṣa kaliput dèniñrajaḥ m(u)wang tamah**. Yèn nyakja
 1415 **satwamé** ngaliput ia melah, apang eda kadung **rajaḥ tamah** ngaliput
 1416 engsap tekèn yadnya. Ngorang dogèn magagé sing bakat jemak. Nah! Yèn
 1417 suba **sañkaniñ sumēñḍia**, yèn suba sarat lautang, Bapa lakar madiolas
 1418 tekèn nyama braya.
- 1419 PANASAR: Nah!
- 1420 PASEK BENDÉSA: Apang nyak pañjak Nusa sami buka onyang lakar aturang.
- 1421 PANASAR: Mangda nyarengin naler **rimēñpēñ** jagi ngalaksanayang panauran puniki.
- 1422 PASEK BENDÉSA: Beneh, odalan lantes di Pura Dalem Mengwi.
- 1423 PANASAR: Inggih! Sedeng becika odalan mangkin. Ida Déwagung jagi naler marika.
- 1424 LUH WEDANI: Bapa ka puri malu nunas wèdang. Bapa edaja maileh, edaja madiolas
 1425 suba malu-malu.
- 1426 PASEK BENDÉSA: Kèné demen atiné ngelah panak dadi rabi. Mara ka puri suba gaènunga
 1427 kopi.
- 1428 PANASAR: Inggih. Meneng anaké, eda jeg...

- 1429 SRI AJI PALAKA: Bapa anggon tiang panua, ento koné dini.
- 1430 LUH WEDANI: Suba dingeh, Bapa?
- 1431 PANASAR: Bapa maka panglingsir. 'Bapa nyen idin tiang tulung, apang magehang
1432 masih yadnyan tiangé, Bapa.'
- 1433 SRI AJI PALAKA: Saiwangné Bapa matutang.
- 1434 PASEK BENDÉSA: Mamitang lugra, mamitang lugra! Katibakin **mṛta sañjiwani** Bapa.
1435 Mamitang lugra titiang, I Bandésa Nusa, **bandha ingaraniṅpangikēt**
1436 **śāsana**, banget ampura. Yèn kawèntenan ané wènten ring **angan**, napi
1437 wastané – dèwèk titiang – ten wènten malih titiang subakti ring **angan**
1438 Palungguh Dalem.
- 1439 PANASAR: Nah! Apang kèntenté.
- 1440 PASEK BENDÉSA: Ngiring cihnayang karyaé, Pan Cening.
- 1441 PANASAR: Inggih.
- 1442 PASEK BENDÉSA: Apang eda **saṅkaniṅ tuna**.
- 1443 SRI AJI PALAKA: Yèning kèto, nunas Bapa pada dabdad.
- 1444 PASEK BENDÉSA: Inggih. Lautang Pan Cening.
- 1445 PANASAR: Inggih.
- 1446 PASEK BENDÉSA: Bapa lakar nedehang nyama brayané Bendésa Pasek para.
- 1447 PANASAR: Durusang-durusang.
- 1448 SRI AJI PALAKA: Adi, juwa I Dèwa, yan ten anak tua ngawangsitin.
- 1449 LUH WEDANI: Wantah niki, wantah niki. Pikenoh anak lingsir ené sambatin makejang
1450 nyèn patutné bakal ngayah ajak ka pura.
- 1451 PANASAR: Inggih. Titiang jagi nauhin pañjak-pañjaké mangkin ngiring dabdabang.
- 1452 SRI AJI PALAKA: Para istriné Adi nabdad.
- 1453 PANASAR: 'Jeroné, para istriné mangda dabdad sami.'
- 1454 SRI AJI PALAKA: Paman, pangayahé pada kinkinang.
- 1455 OLD VILLAGER: Magending (kirang jelas).
- 1456 PANASAR: Yé! Ené jalema bangka teka ené! Yé! Mèh, Mèh! Aduh! Uèk kenalpotné,
1457 anu... Kènkèn? Kènkèn? Nah! Nah!
- 1458 OLD VILLAGER: Dadi, Wayan sing nyambat? Ais!
- 1459 PANASAR: Apa 'Ais'?
- 1460 OLD VILLAGER: Apa ené makelèp?
- 1461 PANASAR: Bèh! Makesiab ia mara makelèp.
- 1462 OLD VILLAGER: Apa makelèp? Aduh! Aduh!
- 1463 PANASAR: Ngudiang sebet?
- 1464 Bondès B: Sing pelut baan Bapa ngaturang nang apa jani.
- 1465 PANASAR: Uh! Mapan karyané ané jani.
- 1466 OLD VILLAGER: Buin, lain sekali, tumbèn lantasmaduwé putra lanang.
- 1467 PANASAR: Beneh, itungan ragaé kènkèn?
- 1468 OLD VILLAGER: Keneh cangé, sing, yèn sing upamané ngelah putra lanang, cang baang
1469 aturang cang iban cangé ka puri, kèto.
- 1470 PANASAR: Bèh! Ené jalema solèh, awak wong tani kelen aturang ibaé ka puri
1471 anggona putra!
- 1472 OLD VILLAGER: Wayan! Ené karyaé suba ngunteng jani?
- 1473 PANASAR: Aa.
- 1474 OLD VILLAGER: Apang eda, nyen cang dadi pañjak, mirib sing bisa narima pasuwècan
1475 Ida.
- 1476 PANASAR: Nah! Apang kèto, suba.

- 1477 OLD VILLAGER: Aduh! Wayan.
 1478 PANASAR: Bèh! (*The old villager coughs*) Wé! Mati! (*The Panasar begins to sing*)
 1479 'Atha sědėņnira mantuk
 1480 Saņśura laga riņayu
 1481 Tucapa aji Wirāta...'
 1482 Yé! Hidup poloné buin! Apang bangsa pragat tendasné. Kėnkėn?
 1483 Nyidang lakar ngaturang ayah? Aduh!
 1484 OLD VILLAGER: Kėné suba, Pan Wayan. Mati bakal cang buin pidan.
 1485 PANASAR: Yé! Mula manusa lekad lakar mati, kėto.
 1486 OLD VILLAGER: Kėnkėn kadėn karyaé? Pokokné cang lakar gayah.
 1487 PANASAR: Yé! Suba bantené di pura suba dabdab.
 1488 OLD VILLAGER: Ené nu ada klian désaé. Cang lakar gayah.
 1489 PANASAR: Beneh! Kaukin apang bareng Pak Klian nyaksiang panaurané. Saksana!
 1490 Mulana jalema gelem, lebihan takeh. Pelut baana masih makikėn mulih.
 1491 Bèh! Ngėngkogang jit.
 1492 VILLAGE ELDER: (*Sings kakawin*) **Warnaniņ Ratu wiwitan Nira...**
 1493 PANASAR: Aduh! Jalema lebihan gaya. Bèh! Ené suba jenengné! Bèh! Cara anak
 1494 taruna: kumisė suba uban, alis suba uban. Ené adané napsu keras, tenaga
 1495 kurang.
 1496 VILLAGE ELDER: Nyėn orang Wayan kėto?
 1497 PANASAR: Ais!
 1498 VILLAGE ELDER: Ané jani Bapa teka mai, singja ada lėn. Uh! Endėn malu negak.
 1499 PANASAR: Berek kėweh nimpalin jalemané ené! Bèh! "Mai 'Yan," Bèh! "Mara teka
 1500 'Yan." Yéé! Anggon anaké tata susila abedik, eda nyujukang entud kėto!
 1501 Kėnkėn? Apa ada itungan?
 1502 VILLAGE ELDER: Kena baan Wayan ngingetang ajin Bapa. Uling makelo sing taėn katemu
 1503 ajak Wayan. Kėnkėn mirib kabaré dini? Makelo suba akudang warsa
 1504 kadėn, suba iraga nah mamarekan tekėn Ida Dėwagung dini di Nusa?
 1505 PANASAR: Nah! Aduh! Jeg ubera, jeg wug awaké ngomong ngajak jalema kėné.
 1506 VILLAGE ELDER: Kena baan ngingetang? Kena?
 1507 PANASAR: Anak kėnkėn? Cai ené jeg nugtug.
 1508 VILLAGE ELDER: Uh! Eda 'macai-cai'.
 1509 PANASAR: Ih! Nyėn? Nah!
 1510 VILLAGE ELDER: Bapa mula ené Dukuh, ané nongos di Sakėnan.
 1511 PANASAR: Uh!
 1512 VILLAGE ELDER: Nyaman Bapané ané nengil di Pecatu, Uluwatu, Kedongané. Mawinan
 1513 ada di Paguyangan nyaman Bapané...
 1514 PANASAR: Uh! Bapa di Sakėnan maan pidan?
 1515 VILLAGE ELDER: Pidana. Mawinan ada gumi Jimbaran **saņkaniniņ** Bapa ngalinggihang Ida
 1516 Dalem Batu Putih di Jimbaran.
 1517 PANASAR: Uh! Pindah lantes ka Nusa?
 1518 VILLAGE ELDER: Ka Nusa Bapa ngempi. Mapan mawinan goban Bapané wayah, anak batu
 1519 dogėn maman Bapané.
 1520 PANASAR: Ah! Ngoyong! Jeg nengil. Terus cang kėtuwanga, 'wug cang. Nah!
 1521 Kėtuwang suba. Anak kėnkėn cai sujatiné kėné?
 1522 VILLAGE ELDER: Buin Bapané ngorang 'cai'.
 1523 PANASAR: Yé! Badah! Engsap suba, ben kapah-kapah.
 1524 VILLAGE ELDER: Mawinan mara kėné, sing kena? Lėn taruna jani kalawan taruna pidan.

- 1525 PANASAR: Uh! Pidan lèn ajaka jani?
- 1526 VILLAGE ELDER: Umur Bapané anak suba wayah.
- 1527 PANASAR: Akuda suba umuré?
- 1528 VILLAGE ELDER: Sembilan puluh.
- 1529 PANASAR: Bih!
- 1530 VILLAGE ELDER: Min.
- 1531 PANASAR: Misi 'min'?
- 1532 VILLAGE ELDER: Min lima belas.
- 1533 PANASAR: Badah!
- 1534 VILLAGE ELDER: Kéwala bayun Bapané yèn ngalawan Pan Cening maadok.
- 1535 PANASAR: Aa! Bayuné enu seger.
- 1536 VILLAGE ELDER: Bayu enu seger.
- 1537 PANASAR: Aa! Kèné yèn tua-tua malué, luwung jaminané. Semengan ka carik numbeg, ajeng-ajengané soroh don-donan.
- 1539 VILLAGE ELDER: Bih! Jeg serba ènak.
- 1540 PANASAR: Sing pati ngajeng bé.
- 1541 VILLAGE ELDER: Sing pati ngajengang bé, mapuasa. Yèn Bapa suba maan malali, patunina nasiné.
- 1542 PANASAR: Uh!
- 1543 VILLAGE ELDER: Yèn suba Bapa maan malali ka désa-désa, patunina nasiné.
- 1544 PANASAR: Dadi apa, sayur? Liu ajengan?
- 1545 VILLAGE ELDER: Sing nasiné ajaka béé patunina.
- 1546 PANASAR: Patunina, kènkèn ené?
- 1547 VILLAGE ELDER: Benehné jam sia, jam pitu nasié!
- 1548 PANASAR: Yéé!
- 1549 VILLAGE ELDER: Ané pamekas, ngudiang lèn satuaé?
- 1550 PANASAR: Yé! Kènkèn? Kènkèn?
- 1551 VILLAGE ELDER: Bapa kanikang antuk Ida Dalem, Pan Cening.
- 1552 PANASAR: Aa.
- 1553 VILLAGE ELDER: Dukuhé ané mula ngukuhin, kètuwanga nyaman Bapané. Ané jani karyaé naur sasangié.
- 1554 PANASAR: Ah! Ento pesan suba.
- 1555 VILLAGE ELDER: Sing nyen dadi Ida Déwagung lipia.
- 1556 PANASAR: Uh! Tekèn sasangié malu.
- 1557 VILLAGE ELDER: Suba telah puraé. Nganteg ka Sakènan, nganteg ka Pulaki. Nganteg dija Pura Dang Kahyangané, tunas icain Ida.
- 1558 PANASAR: Naah!
- 1559 VILLAGE ELDER: Sagèt-sagèt disamping puriné di Guwa Lawah Ida nunas ica. Tur jani ada putra suba ané madan duwur. Yèn saihang, suba ada limang tiban, yèn cara Bali. Heh! Heh! Heh! Demen atin Bapané, apang ada buin pidan ngentinin kaagungané di Nusa, kèto.
- 1560 PANASAR: Berek kèwehjié ngajak anak kéné ngomong. Jeg sing tawanga ngoyong.
- 1561 VILLAGE ELDER: Pan Cening. Bayué, sing nawang bayun anak seger?
- 1562 PANASAR: Uh! Kèto baan bayuné seger?
- 1563 VILLAGE ELDER: Bayun Bapaé tua kakèné.
- 1564 PANASAR: Eda patuhanga cang. Sing seger bayun cangé.
- 1565 VILLAGE ELDER: Beneh! Negak malu.
- 1566 PANASAR: Suba kèto?

- 1573 VILLAGE ELDER: Ida Padanda, cai caraka, suba mapuja, suba nangkil?
 1574 PANASAR: Uh! Ida suba mungguh?
 1575 VILLAGE ELDER: Suba mungguh ring Balé Pawèdan.
 1576 PANASAR: Naah!
 1577 VILLAGE ELDER: Jani, yèn dadi baan nunas sajeronang ngawèntenang yadnya.
 1578 PANASAR: Aa.
 1579 VILLAGE ELDER: Jani, ada piceket uling di Jawatan. Bapan Cening kalawan Bapa sing nyen dadi upacara di marajan, di Jeroan, I Umat dijaba pasaliwer.
 1580 PANASAR: Uh!
 1581 VILLAGE ELDER: Sing beneh kèto?
 1582 PANASAR: Sakèng Pangemong Agama ada uger-uger.
 1583 VILLAGE ELDER: Ada uger-uger?
 1584 PANASAR: Ada perintah apang iraga sregep seleg ngalaksanayang.
 1585 VILLAGE ELDER: Apa buin jani, wewongkon karya nganteg ka Nusa, nyanggra karya Panca Wali Krama bebutané, apang nyak luwung.
 1586 PANASAR: Uh!
 1587 VILLAGE ELDER: **Deniṅ** tanggalné lakar teka purnama, karya Batara Turun Kabèh, apang nyak luwung kenehé.
 1588 PANASAR: Enah!
 1589 VILLAGE ELDER: Mawinan Ida Déwagung naur sasangi jani, galahé luwung.
 1590 PANASAR: Uh! Ida Peranda suba mungguh.
 1591 VILLAGE ELDER: Sampun.
 1592 PANASAR: Aé!
 1593 VILLAGE ELDER: Mawinan Bapan Cening jani jalan ka marajan, jalan ka, apa adané, jeroan.
 1594 PANASAR: Nyaksiang jani.
 1595 VILLAGE ELDER: Nyakupang lima.
 1596 PANASAR: Nah!
 1597 VILLAGE ELDER: **Bhaktimārga, Karmamārga.**
 1598 PANASAR: Nah!
 1599 VILLAGE ELDER: Jalan-jalan, laksanakan.
 1600 PANASAR: Jalan-jalan, ènggalang.
 1601 VILLAGE ELDER: Sakéwala kèné, kirang langkung nyen baan Bapa ngaraos ngajak Pan Wayan.
 1602 PANASAR: Nah.
 1603 VILLAGE ELDER: Eda nyen ento sangetanga.
 1604 PANASAR: Enah!
 1605 VILLAGE ELDER: Pamekas sing, Ida Déwagung Dalem mapaica apang pragatja naur sasangié ring Ida Sasuwunan di Dalem Mengwi.
 1606 PANASAR: Pamekas apang sing enu macatet di kedituané, mutang.
 1607 VILLAGE ELDER: Apang eda buin mani katanjung cokoré di jalan. Aduh! Kadèn ditu apang eda makadèn agamané bakat anggon makadèn kadèn.
 1608 PANASAR: Jalan-jalan jani.
 1609 VILLAGE ELDER: Jalan dabdabang matur ring Ida Dané, jalan apang eda kasèp.
 1610 PANASAR: (*Makekawin*) **Om, sēmbahniṅ anātha, tiṅhalana dé Trilokaśaraṇa.**
 1611 VILLAGE ELDER: Ento ramé di Jero, ramé.
 1612 PANASAR: (*Sings kakawin*) **Wāhya (a)dhyātmika sēmbah iḡulun niṅ jēḡ tanana waneh.**
 1620

- 1621 VILLAGE ELDER: Pangacepé ring Ida Sang Hyang Widi Wasa, ané jani suba madan...
- 1622 PANASAR: Sakala niskala pangubaktin titiang, dumadak sampun kasaksinin
- 1623 panauran Ida Déwagung.
- 1624 VILLAGE ELDER: Aa.
- 1625 PANASAR: Duaning sampun manut kadi semayané.
- 1626 VILLAGE ELDER: **Tri Pinaka Sākṣi.**
- 1627 PANASAR: Aa! Saksi geni.
- 1628 VILLAGE ELDER: Surya suba **pinaka** sinar agung.
- 1629 PANASAR: Nah!
- 1630 VILLAGE ELDER: Manusa masaksi suba masyarakat .
- 1631 PANASAR: Beneh.
- 1632 VILLAGE ELDER: Buta saksi galahé.
- 1633 PANASAR: Aa.
- 1634 VILLAGE ELDER: Yèning kèto, jalan.
- 1635 PANASAR: Ainggih! Wantah amunika. Kirang langkung nunas ampura.
- 1636